

社320

83

部二



八旗通志初集卷之二百八

勲臣傳八

鑲白旗滿洲世職官上

叟根

孫莽色

雅爾納

族孫顧思塔布思塔

充什哈

哈珠

子喇珠

拜諸哈

族人透登額

透登額子忒特奇

扈密塞

甘珠翰

席爾度

多貝

鄂密納

孫花色

計布舒

石圖

子西巴里

吳魯哈

孫阿哈納



拜庫達

桓達理

和托 德休

科啓納 子鈞色 拜三

衛美 子孟格圖

張泰 子賈爾海

吳達禪

傳喀 族子吳鈕

賴達哈

薩魯 族子吳鈕

鼐格 子噶布喇

庚格 子格色里 弟圖

邁思哈 子覺和托

瓦星阿 吳興格

阿布代 兄阿布賴

阿爾哈 從弟夏珠

叟根。滿洲鑲白旗人。其父以罪正法。叟根奉

命往探輝發情形。至輝發國。誑言我父無辜被殺。我故

來歸。輝發拜音達禮貝勒信之。告以我等欲往

投吳喇。爾宜速來。尋又往至吳喇。亦如告輝發

所云者。吳喇貝勒亦信之。遂與言收降輝發事。

比叟根潛歸。備奏其情。始知輝發人有叛志。丁

未年。

太祖高皇帝始定伐輝發之計。九月發兵。叟根從征。攻

克章尼門。追擊霸爾克。斬十人。沙爾護理所防

山城失守。叟根以計復之。從優議叙。授三等梅

勒章京世職。天聰八年。以病降。世職爲牛彖章京。崇德五年卒。孫穆篤勘襲職。順治七年遇

恩詔。由拜他喇布勒哈番。加一拖沙喇哈番。是年卒。以弟莽色襲。十六年。莽色從征福建。海賊鄭成功率兵拒敵。隨都統索渾擊敗之。康熙二年。從定西將軍圖海等征湖廣流賊。攻茅麓山。於築墻處破賊三百餘。進至大山嘴。有賊四百餘人拒戰。復擊敗之。進至山門下。賊五百餘人來拒。奮勇進戰。陣亡。五年正月。議卹。加贈三等阿達哈哈番。以兄穆篤勘子吳塔海襲。

雅爾納。滿洲鑲白旗人。姓西林覺羅氏。世居尼馬察地方。

國初率族人來歸。授備禦。世職。值明兵侵我革革沙漢地方。雅爾納追及敗之。尋授爲遊擊。世職。天聰八年二月。從大兵克遼東有功。加授二等甲喇章京。世職。順治七年。九年。三遇

恩詔。加至三等阿思哈尼哈番。十三年五月卒。長子胡那津。襲父世職。次子武那津。仕至步軍副尉。兼佐領。雅爾納有從子庫雅那者。生子四人。俱以忠烈稱。長子齊雅塔。從圍錦州。在松山陣亡。

賜人六口。布四十疋。次子布扎祿從征陝西。奮勇擊賊受傷。得賞銀一百兩。第三子顧思塔。康熙十三年。以委署叅領。隨鎮南將軍莽依圖征逆藩吳三桂。十五年三月。至廣西。擊逆賊馬雄祖澤清。等於桂嶺。戰歿於陣。卹贈拖沙喇哈番。第四子布思塔亦於康熙十三年。以委署叅領。隨都統赫業征四川。擊僞總兵施遵禮兵於朝天關隘口。敗賊萬七千餘。進至蟠龍山。戰歿。卹贈拖沙喇哈番。各賜祭葬如典禮。

充什哈。滿洲鑲白旗人。姓伊爾庫勒氏。世居諾雷地方。於

太祖高皇帝時。率同姓來歸。授備禦世職。從大兵攻明寧遠。奮力進擊。一目被創。又攻錦州。足亦被創。授遊擊世職。天聰八年。緣事降世職。爲牛錄章京。順治七年。九年。三遇

恩詔。加至二等阿達哈哈番。康熙元年卒。

哈珠。滿洲鑲白旗人。姓富察氏。世居扎庫塔博爾屯村。

太祖高皇帝時。同其兄哲爾吉納來歸。授哲爾吉納備

禦世職卒。哈珠襲兄職，兼管牛豕事。天聰八年，以辦事有能，不違指使，授三等甲喇章京。世職九年，從霸奇蘭、薩穆什喀往征黑龍江有功，加世職爲二等甲喇章京。崇德三年，隨揚威大將軍貝勒岳託征明，擊明太監高起潛馬兵，敗之。師還，將出邊，又擊敗太平寨兵。五年二月，同多濟里往征兀扎喇部落，俘獲甚衆。六月，凱旋。

太宗文皇帝命於五里外設宴迎之。順治元年，隨睿王多爾袞入山海關，擊敗流賊，又追至慶都縣。五月，隨固山額真葉臣平定山西，攻太原府，城內步兵出戰，四敗其衆。十一月，從定國大將軍豫親王多鐸南征，至潼關，破流賊第二營。又同梅勒章京阿喇善、纛章京哈寧阿往偵賊踪，遇僞吳伯拒敵，迎擊敗之。二年，敘功，加授世職爲一等甲喇章京。七年

恩詔，由一等阿達哈哈番世職，加一拖沙喇哈番。八年，卒。子喇珠襲職。十一年，隨大兵征福建，攻廈門，海逆鄭成功，列戰艦六百餘艘於澄浦嶼。喇珠同都統索渾破之，獲僞總督陳輝所乘船。康熙三年，從定西將軍圖海等征湖廣流寇，擊茅麓。

山賊有長樂嶺賊兵三千來戰。率所部兵敗其衆。賊渠李來亨遣其子率兵四千。列火器來拒。喇珠以步戰擊敗之。茅麓山上賊兵會集山下。來犯。喇珠隨衆分擊。大敗之。至上王殛。連敗賊渠李來亨兵五千餘衆。論功。加授世職爲三等阿思哈尼哈番。尋擢副都統。十三年。從征逆藩吳三桂。卒於岳州軍中。

拜諸哈。滿洲鑲白旗人。姓扎庫塔氏。世居撒齊庫地方。

太祖高皇帝時。偕其弟吳爾布禮來歸。從征瓦爾喀。斬東牛克等二十人。招服三十人。以功授爲半個牛彖章京。界凡之役。率六牛彖兵戰勝。授爲牛彖章京。又從征遼東。敗敵於兩壕之間。授爲三等甲喇章京。尋往駐防鳳凰城。以其子占諸哈管牛彖章京事。占諸哈以從征他布沁陣亡。因有違令罪。籍沒家產。入包衣牛彖。其所管之牛彖。以族子滿帶署理。後滿帶從征朝鮮。以無能革職。仍以拜諸哈管理牛彖。尋病卒。有透登額者。拜諸哈之族人也。

國初自撒齊庫子身來歸。復回取家屬。適吳喇圍

八旗通志 卷二百八  
撒齊庫城。透登額欲尋隙入。爲吳喇兵哨見來追。遂奔朝鮮。尋聞朝鮮王欲執送吳喇。盡棄其衣馬。步行來歸。授備禦世職。天聰八年卒。子忒特奇襲。崇德八年。忒特奇隨奉命大將軍貝勒阿巴泰征明。遇明杜副將馬步兵於渾河岸。與戰敗之。出邊。破敵於墻子嶺。往取寧海州。以雲梯攻克其城。論功。加授世職。爲牛彖章京。兼半個前程。順治元年。隨睿王多爾袞入山海關。追擊流賊至慶都縣。二年。議叙。授三等甲喇章京世職。七年遇。

恩詔。加爲二等阿達哈哈番。

扈密塞。滿洲鑲白旗人。姓伊爾根覺羅氏。世居嘉穆湖地方。初隨其祖噶哈善哈思祐來歸。授包衣牛彖章京。隨。

太宗文皇帝征遼東。開元。大凌河。杏山。松山。錦州。義州等處。皆有功。順治元年。隨睿王多爾袞入山海關。擊流賊。又追至慶都縣。敗之。二年。叙功。授牛彖章京世職。七年。九年。三遇。

恩詔。加至二等阿達哈哈番。尋陞包衣大。十一年。

朝廷念其勤勞素著。加授爲一等阿達哈哈番。康熙



四年復以其歷事

太宗

世祖以來効力年久由一等阿達哈哈番加一拖沙喇哈番。

甘珠翰滿洲鑲白旗人。姓索綽羅氏。世居吉林吳喇地方。初任副理事官。天聰二年從征明錦州。擊杏山松山馬步兵俱敗之。又隨左翼兵擊錦州明兵。既兩翼兵合擊松山馬兵亦率擺牙喇甲喇兵力戰敗之。崇德三年隨揚威大將軍貝勒岳託征明山東擊敗明馬總兵。又敗德州

兵。又同霸彥敗安肅縣兵。六年大兵圍錦州。有松山馬兵來奪我紅衣礮。急進擊却之。順治二年同李率泰吳巴海駐守江南蘇州府。僞帥黃斐以兵萬餘突入城內。甘珠翰率外藩蒙古兵與戰。五戰俱克。一目被鳥鎗傷。三年六月授半個前程。四年以任理藩院理事官考滿稱職。加授牛錄章京。世職。七年九年三遇。

恩詔。加至三等阿達哈哈番。九年卒。

席爾度滿洲鑲白旗人。姓寧古塔氏。世居薩爾湖地方。父庫克德格於。

國初率五十戶來歸。授半個前程。世職。席爾度襲父職。天聰三年。率五十人在蘆道地方擊賊。斬十九人。生擒三人。是年隨征明至北京。遇滿桂、黑雲龍等四總兵來援。席爾度力戰有功。授世職。爲牛录章京。尋擢甲喇章京。又從征義州、錦州及遵化等處。並在行間。陷陣衝鋒。凡六被創。崇德七年。復從征錦州。以病卒於軍。

多貝包。衣鑲白旗人。姓索爾多氏。世居吳喇博爾吉城。初管牛录章京事。天聰六年。從征察哈爾國。旋入明邊。敵兵出拒。多貝率二十人同雅賴奮擊敗之。崇德二年。隨初威大將軍貝勒岳託征明。同甲喇章京阿沙理擊明太監馮永忠兵。敗之。順治元年。隨睿王多爾袞入山海關。擊流賊有功。二年。議叙。授牛录章京世職。七年。九年。三遇。

恩詔。加至二等阿達哈哈番。

鄂密納。滿洲鑲白旗人。姓伊爾庫勒氏。世居諾雷地方。初以辦事有能。不違指使。授備禦世職。天聰八年。同吳巴海、荆古爾代。征阿庫理尼滿地方。以効力行間。紀錄一次。崇德元年。隨武英

郡王阿濟格征明。攻順義縣。以雲梯攻克其城。論功。加授世職。爲三等甲喇章京。四年卒。子季睦達襲職。順治二年。季睦達卒。以其叔父畢赫特襲。七年。九年。三遇。

恩詔。加至一等阿達哈哈采。兼一拖沙喇哈番。十三年。畢赫特卒。以子阿蘭泰襲。十六年。阿蘭泰卒。以伯父之子吳稜格襲。花色。吳稜格之子也。康熙五年。襲父一等阿達哈哈番。兼一拖沙喇哈番。三十五年。從撫遠大將軍伯費揚古。征厄魯特。噶爾丹。由西路進剿有功。加授世職。爲三等阿達哈哈番。四十六年。以病解退。

計布舒。滿洲鑲白旗人。天聰八年五月。以辦事有能。不違指使。授半個前程。尋導引哈爾代。翁阿代。往其兄弟所居地方。征額黑庫倫。獲丁壯五十七人。其弟不順。殺之。又導引吳巴海。宜理布。征厄勒鑰色。厄黑庫倫地方。携其兄弟來歸。又導引他哈布。朱馬喇。征厄勒鑰色。僧庫勒。額黑庫倫地方。計布舒分兵畧地。獲丁壯二十五人。加牛叅章京世職。崇德三年卒。

石圖。滿洲鑲白旗人。姓富察氏。世居訥陰地方。

初任牛录章京品級。天聰九年。從征虎爾哈。獲丁壯八十四人。順治元年。隨睿王多爾袞入山海關。擊流賊。二年。叙功。授半個前程。世職。任工部副理事官。五載考績。加授世職。爲拜他喇布勒哈番。七年。九年。三遇

恩詔。加至二等阿達哈哈番。十三年。以督造

乾清宮等宮殿。催辦勤慎。加授一等阿達哈哈番。病卒。子西巴里襲職。從征福建。兩敗賊兵。康熙十七年。從征逆藩吳三桂。至湖廣。攻岳州府。力戰陣亡。由一等阿達哈哈番。加贈一拖沙喇哈

番。

賜祭葬。如典禮。福申。亦石圖子。累官至吏部侍郎。

吳魯哈。滿洲鑲白旗人。姓寧古塔氏。世居薩爾湖地方。父囊機。自寧古塔率部人來歸。

太祖高皇帝授爲半個備禦。天聰八年卒。吳魯哈襲職。崇德元年。駐守牛莊。聞明國有捕魚船至。遂率甲士一百五十人。乘小船自遼河而下。果遇三船。擊走之。獲人三十二名。并緞疋等物。以獻。奉

旨。卽以所獲賞同行將士。編其人爲民。三年。更定部院官制。以吳魯哈爲戶部副理事官。八年。隨奉命

大將軍貝勒阿巴泰征明。擊敗明范軍門及吳總兵。又以雲梯攻克萊陽縣城。是年十月。加牛錄章京世職。卒。子郭禮襲。順治七年。九年。三遇恩詔。加至二等阿達哈哈番。卒。子阿哈納襲。康熙十三年。逆藩吳三桂。耿精忠作亂。阿哈納從征。至江西。有耿逆僞帥黃豪在鄱陽湖官塘地方。率賊萬餘拒戰。進擊敗之。距康山三十里。有賊千餘乘船來犯。以舟師擊敗之。節州湖岔口遇賊千餘。乘船八十隻。仍以舟師擊敗其衆。又於饒州湖岔口敗賊二千餘。十五年。隨安親王岳樂擊吳逆僞將軍夏國相李良棟等。於萍鄉縣東來龍山。國相等敗走。進至長沙。城內賊兵突出南門來犯。阿哈納隨安親王岳樂大破之。進攻長沙城。陣亡。十六年十月。加贈一等阿達哈哈番。以其子郭琦承襲。

拜庫達。滿洲鑲白旗人。姓納蘭氏。世居吳喇地方。初任分得撥什庫。崇德元年。征明北京。攻容城縣。首先登城。克之。授半個前程。順治七年。九年。三遇

恩詔。加至三等阿達哈哈番。世襲罔替。十一年九月。隨

寧海大將軍固山額真宜爾德征舟山。同梅勒章京顧祿固吳拉禪等。屢敗賊兵。又自擊僞總兵李順。獲其船。十四年九月叙功。加授二等阿達哈哈番。康熙元年卒。

桓達理滿洲鑲白旗人。姓舒書覺羅氏。世居萊布地方。初任壯尼大。崇德三年。隨貝勒杜度征明。攻博野縣。不用雲梯。首先躍入。遂下其城。四年十一月。授半個前程。五年圍錦州。同阿克善擊敗杏山馬兵。又敗松山步兵。七年圍錦州。松山馬步兵來犯。我紅衣礮汛地。同阿克善擊敗

之。又隨大兵敗明經畧洪承疇三營步兵。順治元年。隨睿王多爾袞入山海關。同董阿賴擊敗流賊。追至慶都縣。十月。隨定國大將軍豫親王多鐸南征。擊流賊於潼關。六戰皆捷。賊遁。同阿爾津敦拜跡之。值餘寇三百餘。盡殲之。二年三月。至南京。征僞福王。擊其步兵。敗之。五月。隨征南大將軍貝勒博洛。征浙江。至湖州。遇賊兵。同杜賽擊之。直抵壕邊。僞帥黃斐兵自湖州府來犯。同充阿連敗之。又敗長樂宜興二縣賊兵。僞秦總兵率衆自太湖至。會城內兵來犯。同充阿

三敗其衆。聞嘉興縣叛。遂率師往擊。僞秦總兵率衆出城拒戰。率本旗擺牙喇兵擊敗之。僞王總兵乘船敗遁。同趙布泰追及之。獲船三十隻。松江府叛。同趙布泰往征。有城內兵出戰。卽敗之。三年五月。加授牛录章京世職。七年。九年。三遇。

恩詔。加至二等阿達哈哈番。緣事降世職。爲拜他喇布勒哈番。兼一拖沙喇哈番。十一年。隨寧海大將軍固山額真宜爾德。征浙江舟山。同委署梅勒章京根特。擊敗僞總兵陳六御等兵。又同梅勒章京柯永薰等。敗其將張洪德。十四年九月。加授三等阿達哈哈番。世襲罔替。康熙二十九年卒。

和托。滿洲鑲白旗人。姓伊爾庫勒氏。世居諾雷地方。崇德三年。從征明。以雲梯攻文安縣。首先登城。克之。

賜號巴圖魯。四年九月。授牛录章京世職。順治七年。九年。三遇。

恩詔。加至二等阿達哈哈番。十一年卒。同旗有德休者。姓伊爾根覺羅氏。世居多喀地方。亦以崇德三

八旗通志 卷二百八  
年從征明至山東。用雲梯攻恩縣。繼喇都理登城克之。授半個前程。世職。順治七年。九年。三遇恩詔。加至三等阿達哈哈番。任鳳凰城城守尉。病卒。以其長子額黑襲職。次子舒祿。官至都察院左都御史。  
科啓納。滿洲鑲白旗人。姓伊爾庫勒氏。世居諾雷地方。崇德三年。隨揚威大將軍貝勒岳託征明。過北京。攻文安縣。以第二人登城克之。敘功。授半個前程。世職。順治七年。九年。三遇

恩詔。加至三等阿達哈哈番。尋以老乞休。子鈞色襲。康熙十四年。鈞色隨揚威大將軍信郡王鄂扎征察哈爾布爾尼有功。加世職爲二等阿達哈哈番。授驍騎叅領。鈞色之兄拜三。康熙十五年。以七品官隨征陝西叛鎮王輔臣。在平涼府力戰陣亡。贈拖沙喇哈番。

衛美。滿洲鑲白旗人。崇德三年。隨貝勒杜度征明至山東。攻齊河縣。不藉雲梯。奮勇先登。克其城。授半個前程。世職。順治元年。隨大兵入山海關。擊流賊。同葉克舒步戰有功。加授牛錄章京。世職。卒。子孟格圖襲職。五年。江西總兵金聲桓



叛孟格圖隨征南大將軍固山額真譚泰往討。至南昌府。擊賊高總兵步卒。再擊僞建武侯王得仁馬步兵。凡四戰俱捷。七年。九年。三遇

恩詔。加至二等阿達哈哈番。十六年八月。隨安南將軍固山額真明安達理。駐守湖廣荊州府。聞海寇犯江寧府。隨將往援。與僞都督楊文英水戰。歿於陣。

賜祭葬如典禮。

張泰。滿洲鑲白旗人。姓納蘭氏。世居松阿里吳喇地方。崇德三年。隨揚威大將軍貝勒岳託征

明。用雲梯攻獻縣。先登。克其城。授半個前程。世職。順治二年。創發卒。子賈爾海襲職。七年。九年。三遇

恩詔。加至三等阿達哈哈番。十年。隨貝勒吞齊征湖南。擊賊孫可望兵於垓路口。率所部兵敗其衆。十一年。隨寧海大將軍固山額真宜爾德。征浙江舟山。擊僞英毅伯阮思等。連敗之。十四年。叙功。授二等阿達哈哈番。十六年。因叙張泰功。加爲一等阿達哈哈番。

吳達禪。滿洲鑲白旗人。姓趙佳氏。世居瑚布察

八旗通志 卷二百八  
地方。崇德三年。隨安平貝勒杜度。征明。攻直隸河間府。任邱縣。於城垣空壞處。奮勇登城。遂克。任邱。至山東。攻濟陽縣。不用雲梯。以第一人先登。克其城。四年九月。叙功。

賜號巴圖魯。授牛錄章京世職。順治七年。遇

恩詔。由拜他喇布勒哈番。加一拖沙喇哈番。任太原城守尉。是年八月卒。子莽依圖襲職。仕至鎮南將軍。平定廣西有功。見名宦名臣傳。

傅喀滿洲鑲白旗人。初任兵部副理事官。隨擢噶布什賢轄。崇德六年。隨武英郡王阿濟格圍錦州。來奏捷。

賜銀四十兩。七年。隨大兵。征明。自黃崕口進邊。圍薊州。

遇明總兵白騰蛟。白廣恩。馬步兵。擊敗之。順治四年。以隨豫親王多鐸。追騰機思。及從征流寇。功。授半個前程。五年。從征江西。叛鎮金聲桓。破賊於南康府。康熙十七年。從征逆藩吳三桂。至廣東韶州府。敗僞將軍馬寶等兵。又敗僞總兵姜熊於樹梓墟。進至廣西。擊僞將軍吳世琮於陶屯。又擊僞將軍范齊韓。詹仰等兵。並隨鎮南將軍莽依圖。敗賊。十九年。從征南大將軍賴塔

征雲南。二十年。奪石門坎黃草壩。乘勝進抵雲南省城。俱在事有功。二十五年。授拜他喇布勒哈番。

賴達哈。滿洲鑲白旗人。世居瑚克沙哈里地方。卽以地爲姓。

國初從征。奔博果爾。効力行間。崇德七年。從大兵圍錦州。以步戰衝入明少軍營。擊敗敵衆。八年。隨奉命大將軍貝勒阿巴泰。征明山東。豎梯攻兗州府。繼巴爾度纏第一登城。遂克之。

賜號巴圖魯。授世職爲二等甲喇章京。順治七年。九年。

三遇

恩詔。加至三等阿思哈尼哈番。康熙十七年卒。

賜祭葬如典禮。賴達哈賦性剛毅。猛勇過人。從征湖廣時。一日浴於溪。水底有物。槎枒如古木。因呼儕輩。縛以繩。共引出之。則一龍首。鬚鬣宛然。縛者乃其角。衆皆驚走。賴達哈神色不變。徐入水。手解其縛。少頃。雷雨晦冥。龍騰空而去。衆皆無恙。人更稱爲縛龍巴圖魯云。

薩魯。滿洲鑲白旗人。姓吳蘇氏。世居訥陰地方。父戴蒙安。率宗族兄弟及鄉人來歸。

太祖高皇帝初創立牛录。卽將其所攜丁壯編一牛录。令管之。尋卒。薩魯襲管牛录事。崇德七年。從大兵圍錦州。兩翼兵擊松山馬兵。薩魯同曹海進戰有功。又同巴山等擊明經畧洪承疇三營兵。連敗之。出邊時。遇明吳總兵。同纛章京鰲拜。巴圖魯擊却其衆。順治元年。隨睿王多爾袞入山海關。敗流賊。追至慶都縣。二年。授牛录章京。世職。三年正月。隨何洛會等擊破流賊賀珍。三月。隨何洛會等敗流賊二隻虎於商州。以雲梯攻西平縣。首先登城克之。七年。九年。遇

恩詔。加至三等阿達哈哈番。尋叙功。加二等阿達哈哈番。又以遇

恩詔。加一等阿達哈哈番。世襲罔替。吳鈕薩魯之族子也。初任壯尼大。從征雲貴。敗僞侯李成蛟。又隨征南將軍趙布泰。擊僞晉王李定國於雙河口。四戰俱克。復擊定國於魯岡地方。兩敗其衆。十八年。閏七月。授拖沙喇哈番。

鼐格。滿洲鑲白旗人。姓他塔拉氏。世居寧袞木地方。崇德七年。隨大兵征明。圍錦州。擊明經畧洪承疇。兵有功。松山敵兵遁出。衝入

御營。鼐格同多爾機昂邦宗室錫漢擊却之。八年。隨奉命大將軍貝勒阿巴泰征明。用雲梯攻臨清州。奮勇先登。克其城。

賜號巴圖魯。授牛彖章京。兼半個前程。世職。病卒。子噶布喇襲職。順治七年遇。

恩詔。加授世職。爲三等阿達哈哈番。十六年。從征貴州。凱旋。至江寧。值海賊鄭成功破鎮江瓜州來犯。江寧。噶布喇隨梅勒章京噶褚哈會同本地官兵擊賊。破之。叙功。加授二等阿達哈哈番。康熙二十五年。病退。子巴格襲職。歷任至內閣學士。

五十二年。緣事革一拖沙喇哈番。仍爲三等阿達哈哈番。以其弟甘都海襲。

庚格。滿洲鑲白旗人。姓格倫覺羅氏。世居黑圖阿喇城。初管牛彖章京事。崇德七年。從大兵征明圍錦州。明松山城內兵夜犯我鑲黃旗汛地。庚格擊敗其衆。順治元年。隨睿王多爾袞入山海關。擊走流賊。追至慶都縣。二年二月。授半個前程。四年六月。以任刑部理事官。辦事有能。授牛彖章京世職。七年遇。

恩詔。由拜他喇布勒哈番。加一拖沙喇哈番。是年卒。子

格色里襲。九年遇

恩詔二次。加至二等阿達哈哈番。十五年。格色里隨信郡王多尼征雲南。用雲梯攻沅江府。同嫩泰督兵先登。因加世職爲一等阿達哈哈番。康熙十年。以所得功牌。例不及官。銷一拖沙喇哈番。仍爲二等阿達哈哈番。圖希海者。庚格之弟也。初管擺牙喇甲喇事。崇德八年。隨奉命大將軍貝勒阿巴泰征明。擊吳總兵馬步兵。三總兵馬兵。并敗之。往偵青州府。值敵兵出城樵採。同燾章京俄羅塞臣擊敗之。回軍至渾河。擊敗范軍門馬步兵。順治元年。隨睿王多爾袞入山海關。擊流賊。二年敘功。授半個前程。世職。七年。九年。三遇

恩詔。加至三等阿達哈哈番。緣事降爲拜他喇布勒哈番。十年十一月。任燾章京。十二年卒。

邁思哈。滿洲鑲白旗人。姓趙佳氏。世居瑚布察地方。崇德八年。隨貝勒阿巴泰征明。攻山東齊東縣。首先登城克之。授半個前程。遇順治七年九年

恩詔。加至拜他喇布勒哈番。又一拖沙喇哈番。尋卒。以

八旗通志 卷二百八  
其子覺和托襲。康熙十三年。覺和托隨貝勒董額。征陝西叛鎮王輔臣。至丁華嶺。遇偽李總兵率衆來拒。奮擊敗之。往圍秦州城。有賊自四川平涼來援。與城內兵應合。併敗其衆。又屢敗王輔臣之子王繼正等。以功加授爲三等阿達哈哈番。

瓦星阿。滿洲鑲白旗人。姓富察氏。世居訥陰地方。崇德八年。隨奉命大將軍貝勒阿巴泰。征明山東。以雲梯攻諸城縣。繼賈爾布第二登城。遂克之。是年十月。授半個前程。順治元年。隨定國大將軍豫親王多鐸南征。至潼關。截伏擊流賊。越鼐格巴圖魯衝入賊營。二年。至江南。攻常熟縣城。於紅衣礮擊破處。首登克其城。三年五月。授牛录章京世職。七年。九年。三遇。

恩詔。加至二等阿達哈哈番。世襲罔替。十八年卒。同旗有吳興格者。姓伊爾根覺羅氏。世居長白山地方。亦以崇德八年。隨貝勒阿巴泰。征明。用雲梯攻寧海州。繼祁塔特。後登城。克之。授半個前程。世職。順治七年。九年。三遇。

恩詔。加至三等阿達哈哈番。十三年以疾卒。

八旗通志 卷二百八  
阿布代。滿洲鑲白旗人。姓瓜爾佳氏。世居吳喇地方。崇德八年。隨奉命大將軍貝勒阿巴泰征明。用雲梯攻昌邑縣。繼達爾布第二登城。克之。授半個前程世職。順治七年遇

恩詔。加授拜他喇布勒哈番。八年病卒。以其兄阿布賴襲。九年遇

恩詔二次。加至三等阿達哈哈番。十一年。阿布賴隨寧海大將軍宜爾德征舟山。擊賊有功。十四年議叙。由三等阿達哈哈番。加爲二等阿達哈哈番。阿爾哈滿洲鑲白旗人。姓伊爾庫勒氏。世受諾

雷地方。崇德八年。隨奉命大將軍貝勒阿巴泰。證明攻陽信縣。未豎雲梯。先衆登城。克之。授半個前程世職。順治五年病卒。以其從弟夏珠襲。七年遇

恩詔。加授拜他喇布勒哈番。九年遇

恩詔二次。加至三等阿達哈哈番。是年二月。夏珠隨固山額真噶達洪。征鄂爾多斯。朶爾濟。以步戰敗其衆。十五年。從征貴州。在十萬崎山。擊僞總兵羅大順。三戰皆捷。凱旋至江寧府。值海賊鄭成功。破鎮江瓜州。來犯江寧。隨梅勒章京噶褚哈。



協同本地兵擊敗之。十七年叙功。由三等阿達  
哈哈番授為二等阿達哈哈番。

八旗通志卷二百八

八旗通志初集卷之二百九

勲臣傳九

鑲白旗滿洲世職官下

瓦古禮

拉薩禮

拉薩禮子博壽

羅察

諾泰

伊巴庫

囊武岱

尼雅漢

納考  
祐實

布爾賽

喀吉海

伊騰

哈泰

蘇和臣

祁克善

曾孫拴住

艮泰

郭和齊

鍾內

兄之孫那爾泰

胡里

多克隊 子壽柱

蟒色

席達

博濟

克珥特黑

穆和納 艾都 岳多禮

輝寶 費陽古

尼雅爾薩 傅寶 準泰

雅思哈 偏武

胡錫屯 達禮

希福納 納科禮

圖爾禪 西騰

格爾素

褚名臣

費雅思哈

薩爾納 吞珠祐

賽喀納 吳沙庫 武蘭布

綽克託 馬薩喀

覺和托 阿哈納 殷德

渾塔

傅哈達

愛音柱

朔色

畢里克 恩格特 錫特庫

晉才 博和禮

索住 根貝 桑格

卦納 察穆布 袞泰

阿珥楚 花色 關住

穆爾禪 松吉納

阿蘭柱 滿都里

圖爾海 索爾和代

談圖 何達色

新泰 常壽 赫塞

季賽 見名臣揚善傳

伊成格 見名臣哈寧 阿傳下同

伊勒慎

華善 見名臣季思哈 傳下三人同

尼滿

穆舒渾

達爾布

席賴 見名臣富喇克塔傳 陳布祿 見名臣葉喜傳

阿穆爾圖 見名臣尼堪傳 多尼喀 見名臣齊爾格申傳

安泰 見名臣鄂屯傳

覺羅普爾朋 見名臣覺羅巴哈納傳下二人同

覺羅巴朗 覺羅杭奇

羅多禮 見名臣車克喇傳 達爾丹 見名臣喀爾塔喇傳

多鼎 見名臣鄂穆克圖傳 喀爾奇 見名臣興鼎傳

龍山 見名臣吳巴海傳 拜都哈 見名臣達克沙哈傳

納穆泰吳濟赫 見名臣艾松古傳

赫勒 見名臣葛思特傳 博里 見名臣寶色傳

多格梭里 見名臣張庫傳下二人同

張山 吳爾佳圖

化色 見名臣塔爾代傳 噶爾哈圖 見名臣敦達禮傳

花善 見名臣格紳傳 薩穆哈 見名臣納密達傳下二人同

哈積大 哈席里

杜喇式 見名臣扈習傳下三人同 占代

齊蘭布 生保

色赫 見名臣塔海傳 阿顏圖 見名臣嫩兌傳

魯爾金 見名臣渾親傳

瓦古禮。滿洲鑲白旗人。姓富察氏。世居扎庫塔博爾屯村。順治元年。隨睿王多爾袞入山海關。擊流賊。以步戰敗其衆。二年。敘功。授半個前程。七年。九年。三遇。

恩詔。加至三等阿達哈。哈番。同旗有拉薩禮者。姓格濟勒氏。世居和通吉地方。初任牛录章京。亦於順治元年。隨睿王多爾袞入山海關。同甲喇章京。鄔庫禮。擊敗流賊馬步兵。五月。隨固山額真覺羅巴哈納等往平山西。太原府屢敗賊衆。進至陝西。破賊於延安府。一年。敘功。授半個前程。

是年卒。子博壽襲。七年。九年。三遇。

恩詔。加世職至三等阿達哈哈番。十一年。博壽隨靖南將軍朱瑪喇等征廣。擊偽安西王李定國。屢敗其衆。十三年。敘功。加爲二等阿達哈哈番。羅察滿洲鑲白旗人。姓佟佳氏。世居嘉哈地方。初任刑部副理事官。治四年。以考滿稱職。授半個前程。五年。從征湖廣。擊賊一隻虎於荊州府。敗之。駐防江寧府。俄屯往勦土賊。豎梯攻無爲州。所討之兵先登。遂克其城。六年。授拜他喇布勒哈番。七年。遇。

恩詔。以其所得世職。准世襲罔替。九年。遇。

恩詔。二次。加至三等阿達哈哈番。

諾泰。滿洲鑲白旗人。順治六年。從征湖廣。攻寶慶府。先登克其城。授爲拖沙喇哈番。七年。九年。三遇。

恩詔。加至三等阿達哈哈番。世襲罔替。康熙十三年。逆。

藩吳三桂耿精忠叛亂。諾泰從征至江西。隨副都統公倭赫等圍袁州府。隨前鋒統領覺羅舒恕攻進賢縣。並有功。十四年。隨護軍統領桑額。敗偽總兵算可動等於新昌縣。北山。擊賊首黃。

豪於鄱陽湖官塘。距康山三十里。有賊千餘來犯。率舟師擊敗之。又隨定西將軍希爾根破賊於饒州府。進至岔口。又敗之。十九年。從征南大將軍賴塔。擊敗僞將軍何繼祖等於黃草壩。會三路大兵。敗僞將軍胡國柄等於雲南城。外。二十五年。加授二等阿達哈哈番。仕至滄州城守尉。

伊巴庫。滿洲鑲白旗人。姓瓜爾佳氏。世居鑷爾白地方。順治六年。以噶布什賢隨鄭親王濟爾哈朗。征僞桂王。至湖廣湘潭縣。敵兵出城來戰。伊巴庫奮勇擊敗之。追至城下。先衆奪門而入。克之。八年。敘功。授拖沙喇哈番。九年。兩遇恩詔。加至拜他喇布勒哈番。兼一拖沙喇哈番。

囊武岱。滿洲鑲白旗人。姓索綽羅氏。世居吉林吳喇地方。順治六年。隨鄭親王濟爾哈朗。征湖廣流賊。破衡州。直抵全州。並在行間擊賊有功。十五年。隨征貴州。十六年。回兵至江南。值海寇鄭成功陷鎮江瓜州。犯江寧。囊武岱隨梅勒章京噶褚哈。會同本地官兵擊敗之。以功授拖沙喇哈番。

尼雅漢滿洲鑲白旗人。姓富察氏。世居訥陰地方。初管擺牙喇章京事。遇順治七年九年

恩詔。授世職。拜他喇布勒哈番。十一年。隨靖南將軍朱

瑪喇出師廣東。敗偽安西王李定國兵於新會

縣。又追定國至橫州江岸。敗其馬步兵。以功加

一拖沙喇哈番。還京。陞內務府總管。授散秩大

臣。康熙十年。陞都統。尋加太子少保。十八年十

月。病卒於官。同旗有同姓人納考者。世居扎庫

塔博爾屯村。亦以隨靖南將軍朱瑪喇征廣東。

敗偽安西王李定國於新會縣。又敗偽都督吳

三英等有功。授拖沙喇哈番。又有壯尼大祐實

亦以是役効力戎行。論功。授拖沙喇哈番。

布爾賽滿洲鑲白旗人。姓富察氏。世居扎庫塔

地方。初任牛录章京。順治九年。兩遇

恩詔。授世職。爲拜他喇布勒哈番。十一年。從定遠大將

軍貝勒屯齊征湖南。擊敗偽秦王孫可望兵於

岔路口。十六年。隨梅勒章京噶褚哈征貴州。回

兵至江南。適海寇鄭成功犯江寧府。遂會同本

地官兵。連敗其衆。以功加一拖沙喇哈番。同旗

有委署壯尼大喀吉海。亦以順治十六年。從征

貴州回兵至江南。擊海寇鄭成功來犯江寧之兵。屢戰皆捷。論功授拖沙喇哈番。

伊騰滿洲鑲白旗人。姓燕濟氏。世居葉赫地方。初任分得撥什庫。順治十一年。隨寧海大將軍宜爾德。征浙江舟山。同署燾章京尼雅塔擊賊。敗之。十五年。隨信郡王多尼。征雲南。圍沅江府。賊率衆千餘來犯我蘆囤。伊騰同赫勒布迎擊。連破其衆。以功授拖沙喇哈番。

哈泰滿洲鑲白旗人。征福建海賊攻廈門時。海逆鄭成功。列戰艦六百餘艘。於海上拒敵。哈泰先衆跳入賊舟。大破之。奪其戰艦以歸。論功授拖沙喇哈番。同旗有蘇和臣者。姓伊爾根覺羅氏。世居薩爾湖地方。亦以從征福建有功。授拖沙喇哈番。

祁克善滿洲鑲白旗人。姓伊爾庫勒氏。世居諾雷地方。順治十五年。從大兵征雲南。攻沅江府。繼喀穆圖第二登城。

賜號巴圖魯。授三等阿達哈哈番。准再襲四次。祁克善巴圖魯之二世孫有拴住者。初襲三等阿達哈哈番。世職。雍正九年。以從征準噶爾。在和通胡



爾哈陣亡。議卹。又加贈一拖沙喇哈番。

良泰。滿洲鑲白旗人。姓舒穆魯氏。世居雅爾湖地方。順治十五年。從征雲南。攻沅江府。第三人登城。

賜號巴圖魯。授拜他喇布勒哈番。兼一拖沙喇哈番。同旗有郭和齊者。亦姓舒穆魯氏。世居吉林地方。以順治十五年。隨信郡王多尼。至貴州。征偽桂王。敗偽侯李成蛟於涼水井。又敗偽晉王李定國於雙河口。磨盤山等處。並在事有功。授拖沙喇哈番。

鍾內。滿洲鑲白旗人。姓文都氏。世居訥陰地方。父郎格。於

國初。率諸兄弟及鄉人來歸。值編設牛錄。即令管半箇牛錄事。鍾內。郎格第四子也。父沒。襲管牛錄。順治十五年。隨信郡王多尼。征貴州。在十萬崎山。破偽總兵羅大順。師旋至江寧。值海賊鄭成功來犯。鍾內。隨梅勒章京噶褚哈。協同本地兵。擊敗之。十七年。敘功。授拜他喇布勒哈番。康熙十三年卒。以兄之孫那爾泰襲。雍正九年六月。那爾泰。隨公富爾丹。征準噶爾。與賊戰於和

通胡爾哈地方。歿於陣。卹贈一拖沙喇哈番。以其子六十四襲。

胡里滿洲鑲白旗人。姓他塔拉氏。世居扎庫木地方。初任牛录品級章京。順治十五年。隨信郡王多尼征貴州。破僞侯李成蛟於涼水井。我師渡瀘江。至雲南磨盤山。僞晉王李定國設重兵以待。胡里隨噶喇昂邦白爾黑圖等奮勇衝擊。敗之。又擊敗李定國兵於魯岡。康熙十四年。從征逆藩耿精忠。至江西。擊賊僞都督范超明於艾口。又擊僞提督顏子明於南康。俱有功。十六

年。從征逆藩吳三桂。至廣東韶州府。隨鎮南將軍莽伊圖等。擊僞將軍馬寶。敗之。又敗僞總兵姜熊於樹梓墟。至廣西。敗僞將軍吳世琮馬步兵。又於陶屯擊敗僞將軍范齊韓等兵。十九年。從征南大將軍賴塔。進征雲南。二十年。克黃草壩。進抵雲南省城。並在行間有功。二十五年。議敘。授拜他喇布勒哈番。

多克隊滿洲鑲白旗人。姓克勒德氏。世居吳喇地方。初任壯尼大。順治十五年。隨寧南靖寇大將軍宗室羅託。征雲貴。駐劄荊州。僞總兵田國

欽黃世貴約降。阻於賊。多克隊同燾章京鄂諾往迎之。擊敗賊兵二千餘。進至雲南。敗僞侯李成蛟於涼水井。又擊敗僞晉王李定國兵於雙河口。並在行間有功。十八年議敘。授拖沙喇哈番。多克隊子壽柱。初任驍騎校。康熙三十五年。以委署章京隨撫遠大將軍伯費揚古。征厄魯特。噶爾丹。師至昭莫多。聞厄魯特駐兵於忒勒爾機口。壽柱遂同委署前鋒統領碩代前往誘賊。比賊兵至。卽率前鋒兵。隨大將軍奮擊敗之。追至忒勒爾機而還。五十九年。隨平逆將軍顏信率兵進藏。於卜克河及齊嫩郭爾地。連敗準噶爾賊兵。又敗之於綽馬喇地方。遂至藏。平定湯古忒。土默特部落等衆。壽柱俱在行間。論功。授拖沙喇哈番。

蟒色滿洲鑲白旗人。姓他塔拉氏。世居扎庫木地方。初以驍騎校從征山東賊首蔣靜剛。破之。取其寨。康熙十五年。從征叛鎮王輔臣。擊敗僞總兵高定。蔡元於關山河岸。進圍秦州城。數敗賊衆。並敗自四川平涼來援之兵。又於秦州南山。擊僞總兵施遵禮兵。敗之。賊自四川平涼來

八旗通志 卷二百九  
援之兵與城內兵合師拒戰。犯我營壕。俱擊敗之。又與王輔臣之子王繼正戰於平涼。敗其馬步兵者再。僞將軍陳君極率衆在伊門鎮西南山。列火器拒敵。又擊敗之。二十五年。以功授拜他喇布勒哈番。

席達滿洲鑲白旗人。姓博爾濟金氏。世居克魯倫地方。其伯父曰納穆。率諸兄弟及部落於

國初先衆來歸。授遊擊世職。順治元年。以隨和碩肅親王入山海關功。加授世職爲二等甲喇章京。尋卒。納穆長子班丹襲。七年遇

恩詔。加爲一等阿達哈哈番。卒。班丹弟詹木素襲。九年遇

恩詔。二次。加至三等阿思哈尼哈番。卒。以其叔東襲職。東。納穆之弟。席達之父也。康熙七年卒。席達襲父職。三十五年。隨撫遠大將軍伯費揚古。由西路征厄魯特。噶爾丹有功。加授世職爲二等阿思哈尼哈番。病卒。

博濟滿洲鑲白旗人。姓阿燕覺羅氏。世居雅爾湖地方。康熙十三年。以委署叅領。從征逆藩吳三桂。至江西。十五年二月。隨安親王岳樂。擊僞

將軍夏國相李良棟於萍鄉縣。敗之。進兵湖廣。距平江縣二里。有僞總兵陳夏劉辛裘等。率賊萬餘。列火器來犯。博濟隨大將軍擊敗其衆。又於七家洞擊僞總兵裘以勝兵。步戰破之。進取九嶺。連敗賊兵。十八年。隨貝子章泰。擊敗僞將軍吳國貴兵於武岡州雙井鋪。二十年。隨三路大兵。進抵雲南省城。敗賊兵於城下。又隨都統希佛等。追敗僞將軍馬寶巴。養元於烏木山。二十五年。敘功。授拖沙喇哈番。

克珥特黑。滿洲鑲白旗人。姓費莫氏。世居布爾

哈圖地方。康熙十三年。以驍騎校隨征逆藩耿

精忠。至江西。敗賊帥黃豪於鄱陽湖官塘。復破

賊舟千餘於筇州湖。進至饒州湖岔口。屢敗賊

兵。十五年五月。從安親王岳樂。敗賊帥邵連登

於建昌府長興地方。復敗僞周副總於界牌鋪

村北山。十七年。隨定西將軍希爾根。破賊於饒

州之景德鎮。敗僞郭都督等。又敗賊首李茂珠

李復勝兵於建昌府城南之鐘鼓山。十九年。隨

征南大將軍賴塔。征逆孽吳世璠。由廣西進雲

南。奪黃草壩。直抵雲南省城。並在行間有功。二

十五年議敘。授拜他喇布勒哈番。

穆和納。滿洲鑲白旗人。姓他塔拉氏。世居扎庫木地方。康熙十三年。隨征逆藩耿精忠。踴躍前驅。於浙江福建地方。歷十三戰。皆捷。二十五年。敘功。授拜他喇布勒哈番。四十八年病卒。同旗有驍騎校艾都。姓舒穆魯氏。世居雅爾湖地方。又有名岳多禮者。姓富察氏。世居吳喇地方。並以從征浙江福建。著有勞績。授拖沙喇哈番。輝寶。包衣鑲白旗人。初任護軍校。康熙十三年。隨副都統喇哈達。征逆藩耿精忠。至浙江。敗賊

帥王宗仁於諸暨河岸。進至義烏縣。敗偽龔都督偽王總兵於山坑嶺。又從平南將軍賴塔。擊偽都督周烈。偽總兵桑明兵於鷺鷥村。紅橋等處。並有功。十五年。從寧海將軍喇哈達。擊海逆鄭錦。偽總督徐耀兵於烏龍江前小門山。鎮峯山。破之。又敗賊於夏口。破偽總督興明伯趙得勝。等於太平山。攻克泉州府城。又敗賊於洛陽橋。十九年。敘功。授拜他喇布勒哈番。同旗有費陽古者。亦於康熙十三年。以護軍校。從征逆藩耿精忠。至浙江。隨副都統喇哈達。敗賊於諸暨

八旗通志 卷一百九  
縣。又敗義烏縣山坑嶺賊兵。又敗僞葉總兵。僞副將馬思於臨善村。又於黃潭口。望霧山。打鐵村。北原口村。大溪灘等處。擊敗賊兵有功。十五年。亦從寧海將軍喇哈達。敗海賊僞總督徐耀兵於鎮峯山。敗僞總督興明伯趙得勝於太平山。攻克泉州府城。十九年。議敘。授拜他喇布勒哈番。

尼雅爾薩。滿洲鑲白旗人。康熙十三年。以委署叅領。從征逆藩耿精忠。至江西。擊僞提督顏子明於南康縣。敗之。十六年。隨鎮南將軍莽依圖征廣東。敗僞總兵姜熊於樹梓墟。進至廣西。敗僞將軍吳世琮於新村西山。又敗之於陶屯。俱在事有功。十九年。隨征南大將軍賴塔。征雲南。奪黃草壩。抵雲南省城。並著勞績。二十五年。議敘。授拖沙喇哈番。同旗有名傳寶者。初任八品官。亦以從征耿逆。至江西。四戰俱敗之。隨鎮南將軍莽依圖。征逆藩吳三桂。由廣東進兵廣西。敗僞將軍詹仰等於柳州之陶屯。又隨征南大將軍賴塔。平定雲南。奪黃草壩。抵雲南省城。並在行間有功。授拖沙喇哈番。又有名準泰者。初

任驍騎校。亦以從征逆藩耿精忠至江西。屢敗賊衆。從征吳逆至廣東。廣西。雲南等處。俱有功。二十五年議敘。授拖沙喇哈番。

雅思哈。滿洲鑲白旗人。姓赫攝禮氏。世居額爾敏地方。康熙十三年。從征逆藩耿精忠至浙江。敗僞總兵葉年於黃潭口。又敗賊於望霧山。打鐵村。大溪灘等處。進至福建。敗賊於小門山鎮。峯山。十七年。隨寧海將軍喇哈達擊海寇。敗僞總督趙得勝。僞將軍何猷等於太平山。并敗白木山賊兵。至泉州。隨平南將軍賴塔敗僞提督

王進功。又敗僞將軍吳淑於泉州江岸。半山地。方。並在行間。著有勞績。授拖沙喇哈番。同旗有偏武者。姓伊爾根覺羅氏。亦於康熙十三年。從征耿逆。過浙江。進趨福建。僞將軍馬九玉率衆渡苗村江。來劫我副將李成恩之營。偏武在本旗第三名衝擊。敗其衆。得賞銀三十兩。隨寧海將軍喇哈達用雲梯攻泉州。以第四人登城。右眼下被創。得賞銀二十兩。白馬一匹。事平議敘。授拖沙喇哈番。

胡錫屯。滿洲鑲白旗人。姓葉何里氏。世居寧古



塔地方。康熙十三年。以委署叅領隨定南將軍希爾根。征逆藩耿精忠。至江西。圍撫州府。戰於千金坡。破僞將軍楊三。僞總兵李茂珠。十四年。從安親王岳樂。破耿逆僞帥邵連登於建昌府。長興地方。從定南將軍希爾根。破賊於饒州之景德鎮。敗耿逆僞郭都督馬步兵。又與賊首程鳳。張名揚。戰於沉香山馬鞍山。並有功。十五年。從安親王岳樂。征逆藩吳三桂。破僞將軍夏國相等於萍鄉。又從擊楊熊。二僞總兵於沿溪。十七年。從貝子章泰。擊僞將軍吳國貴於武岡州。雙井舖。俱有功。二十五年。議敘。授拖沙喇哈番。同旗有達禮者。姓瓜爾佳氏。世居蘇完地方。初任江南駐防佐領。亦以從征江西有功。授拖沙喇哈番。

希福納。包衣鑲白旗人。姓趙佳氏。世居額爾敏地方。初任護軍校。康熙十三年。從征逆藩耿精忠。至浙江。隨副都統喇哈達。擊僞帥王宗仁於諸暨縣河岸。敗之。至義烏縣。敗僞龔都督僞王總兵於山坑嶺。又敗僞葉總兵。僞副將馬思等於臨善村。又擊千山嶺。大溪灘。夏口等處賊。俱

有功。過仙霞關。與賊僞王總兵戰於建陽縣關廂。隨平南將軍賴塔擊敗之。十五年。海逆鄭錦犯福州。隨寧海將軍喇哈達。敗僞總督徐耀於烏龍江前小門山。鎮峯山嶺。又破其衆於太平山。俱在事有功。十九年。議敘。授拖沙喇哈番。同旗有納科禮者。亦於康熙十三年。以委署驍騎校。從征逆藩耿精忠至浙江。擊僞總兵徐尙朝於金華府。敗之。又從擊賊於秀溪山。集道山。半山嶺等處。屢敗其衆。進至宣平縣。敗僞總兵馮公輔。又敗僞將軍馬九玉等於蔡平關水南地方。又連敗賊兵於小門山。鎮峯山。太平橋等處。俱在行間有功。授拖沙喇哈番。

洛陽

圖爾禪。滿洲鑲白旗人。初任牛錄章京。康熙十三年。從康親王傑書。征逆藩耿精忠至浙江。擊敗僞總兵葉年兵於黃潭口。又敗賊於望霧山。打鐵村。千山嶺等處。敗僞林總兵於大溪灘。敗僞守備趙深等於夏口。進至福建。敗賊於浦城縣。又敗海賊於小門山。鎮峯山。俱在行間有功。十六年。隨寧海將軍喇哈達。破海賊僞總督趙得勝。僞將軍何猷等於太平山。至泉州。敗僞提

督王進功。又隨平南將軍賴塔。敗海賊僞將軍吳淑於泉州江岸。半山地方。海寇僞總兵仇洪如等。率兵據鳳凰山。激水湍地方。僞將軍劉國軒。吳淑等。率兵據蜈蚣山。並隨賴塔進擊。破之。賊退據郭塘山崖。又擊敗之。又敗賊衆於盤圍山。並在事有功。二十五年九月議敘。授拖沙喇哈番。西騰者。圖爾禪之弟也。康熙十四年。以委署護軍校。從征察哈爾布爾尼。連敗賊兵。尋以提督王輔臣叛。西騰從征至陝西。與王輔臣之子王繼正戰於湖山屯。敗其衆。進至湖廣。敗賊

王國祖馬步兵於攸縣。病歿於軍。二十五年議敘。贈拖沙喇哈番。以其子朱蘭泰襲。

格爾素。包衣鑲白旗人。初任七品官。康熙十三年。從征逆藩耿精忠。至浙江。隨副都統喇哈達。敗僞龔都督兵。又隨平南將軍賴塔。敗僞都督周烈。僞總兵桑明等。於衢州府屬鷺鷥村。敗僞將軍馬九玉。僞中軍李廷貴。於衢州府北原口村。破僞兵曹閔可孝。僞守備趙深兵於夏口。並在行間。十五年。從寧海將軍喇哈達。破海賊鄭錦。僞總督徐耀兵於鎮峯山嶺。又破其僞總督

八旗通志 卷一百九  
與明伯趙得勝。僞將軍何猷等於太平山。十七年。僞將軍劉國軒自灣腰樹渡河。立營於潮溝之間。修木城。列火器拒戰。格爾素復隨平南將軍賴塔進擊。大敗其衆。二十五年。敘功。授拖沙喇哈番。

褚名臣。包衣鑲白旗人。康熙十三年。以委署護軍校。從征逆藩耿精忠。至浙江。隨副都統喇哈達。破僞都督楊祿於尖山浮橋。又於諸暨河岸。擊敗賊帥王宗仁。敗僞龔都督僞王總兵於義烏縣之孝順街。敗僞林總兵於大溪灘。又擊賊於鷺鷥村河岸。敗之。十五年。從寧海將軍喇哈達。破海寇僞總督興明伯趙得勝等於太平山。進援泉州府。破賊於洛陽橋。並在行間。十九年。敘功。授拖沙喇哈番。

費雅思哈。滿洲鑲白旗人。姓佟佳氏。世居嘉哈地方。康熙十三年。以擺牙喇從征逆藩吳三桂。由陝西進四川。自蟠龍山回。至娘娘廟。遇僞將軍吳之茂。率賊萬餘。分兩處斷路立營。費雅思哈先衆衝入。擊敗之。又隨前鋒統領穆占。敗僞將軍王屏藩兵於槐樹驛。賊兵復於小梅嶺斷

路列陣以拒我師。費雅思哈以第二人衝入賊陣。敗其衆。隨振武將軍內大臣坤巴圖魯防守漢中。尋敘功。授拖沙喇哈番。

薩爾納。滿洲鑲白旗人。姓伊拉里氏。世居葉赫地方。康熙十三年。以委署護軍校。從征耿逆。至浙江。十五年。進趨福建。擊海賊僞將軍劉國軒於夏坑。毆奇頭山。郭塘。盤圍山等處。連敗其衆。又敗之於太平寨。十九年。隨征南大將軍賴塔。征逆孽吳世璠。至雲南。奪石門坎。黃草壩。抵雲南省城。並在事有功。二十五年。議敘。授拖沙喇哈番。尋任西安駐防佐領。二十五年。隨撫遠大將軍伯費揚古。征勦厄魯特噶爾丹。奮勇擊敗賊兵。事平。敘功。加爲拜他喇布勒哈番。同旗有吞珠祐者。姓蜚雅氏。世居輝發地方。康熙十三年。逆藩吳三桂之叛。從鎮南將軍莽依圖進征。至廣西。敗僞將軍范齊韓。詹仰等於柳州。陶屯地方。十九年。隨征南大將軍賴塔。平定雲南。三十五年。又隨撫遠大將軍伯費揚古。征噶爾丹。吞珠祐並在行間。著有勞績。論功。授拖沙喇哈番。

賽喀納。滿洲鑲白旗人。姓布賽氏。世居葉赫地方。初任護軍叅領。康熙十四年。隨撫遠大將軍信郡王鄂扎。勦叛逆察哈爾布爾尼。至大魯地方。破其衆。又破其溝內伏兵。凱還。敘功。授拖沙喇哈番。歷任至鑲白旗滿洲副都統。尋以疾卒。諭祭一次。祭文稱其性行純良。才能稱職云。同旗有護軍叅領吳沙庫。護軍校綽克託。七品官馬薩喀。並以康熙十四年。隨信郡王鄂扎征察哈爾布爾尼。屢敗賊衆。各授拖沙喇哈番。又有武蘭布者。姓趙佳氏。世居額爾敏地方。亦以從征布爾尼有功。授拖沙喇哈番。

覺和托。滿洲鑲白旗人。姓文都氏。世居訥陰地方。初任驍騎校。康熙十四年。從撫遠大將軍信郡王鄂扎。征察哈爾布爾尼。至大魯。敗其兵。賊復聚潰。卒來犯。兩戰皆破之。十九年。隨征南大將軍賴塔。征逆孽吳世璠。奪黃草壩。進抵雲南。並有功。二十五年。議敘。授拜他喇布勒哈番。同旗有護軍校阿哈納。亦以隨撫遠大將軍信郡王鄂扎。征察哈爾布爾尼。隨征南大將軍賴塔。平定雲南。二役有功。授拜他喇布勒哈番。又有

殷德者亦於康熙十四年以委署叅領從征察  
哈爾布爾尼連敗賊兵十七年從征福建海寇  
往援泉州府破賊於洛陽橋復敗僞將軍劉國  
軒於潮溝之間二十五年議敘授拖沙喇哈番  
渾塔滿洲鑲白旗人康熙十四年以委署叅領  
從安親王岳樂征逆藩耿精忠至江西五月隨  
安親王岳樂破僞帥邵連登於建昌府長興地  
方又隨定南將軍希爾根敗僞周副總於界牌  
舖北山七月被賊兵於饒州府景德鎮馬鞍山  
十二年正月隨安親王岳樂征逆藩吳三桂破  
僞將軍夏國相李良棟等於萍鄉縣東來龍山  
又敗僞總兵薛先勝僞副將朱名勝於瀏陽縣  
北山十七年隨都統覺羅畫特復平江縣十九  
年隨貝子章泰破僞將軍吳國貴於武岡州雙  
井舖並在事有功二十五年授拖沙喇哈番  
傅哈達滿洲鑲白旗人姓寧古塔氏世居薩爾  
湖地方康熙十四年以委署護軍校從征逆藩  
耿精忠至江西隨定南將軍希爾根破僞帥李  
茂珠等於建昌府城南鐘鼓山又擊僞總兵吳  
舍與薛岱等兵破之進至馬店地方十五年十

二月。隨安南將軍舒恕。敗偽提督顏子明。偽將軍張郭年兵。又破南康縣賊。十六年。隨鎮南將軍莽依圖。征逆藩吳三桂。踰大庾嶺。往廣東。至韶州府城東山上。破偽將軍馬寶等。十八年。至廣西。擊偽將軍吳世琮兵。敗之。復於陶屯地方。擊敗偽將軍范齊韓詹仰等。十九年。從征南大將軍賴塔。奪石門坎黃草壩。直抵雲南城下。並。在事有功。授拖沙喇哈番。

愛音柱。滿洲鑲白旗人。康熙十四年。以委署驍騎校。從征逆藩耿精忠。敗偽羅都督於江南績

谿縣。至江西樂平縣段家村。與偽陳參將水戰。

敗賊八千餘。偽吳都督率眾四萬。列陣於石頭

街。隨官兵連敗其眾。又敗偽總兵柯勝兵於弋

陽縣。十七年。隨征至廣東韶州府。敗偽將軍馬

寶兵。十九年。從征南大將軍賴塔。進平吳逆。敗

賊於黃草壩。進抵雲南。並有功。授拖沙喇哈番。

朔色。滿洲鑲白旗人。姓庫布魯氏。世居西蘭木

魯地方。康熙十四年。以八品官隨定遠平寇大

將軍安親王岳樂。征逆藩耿精忠。至江西。破偽

帥邵連。登於建昌府之長興地方。復敗賊將朱



文貝於宜黃縣東山十五年。從安親王征逆藩吳三桂。至袁州府萍鄉縣。擊僞將軍夏國相李良棟等。敗之於縣東來龍山。尋卒於軍。追敘前功。贈一拖沙喇哈番。以其叔父之子滿色襲。畢里克。滿洲鑲白旗人。姓吳辛氏。世居西蘭木魯地方。初任驍騎校。康熙十七年。隨征吳逆。至廣東韶州府。擊敗僞將軍馬寶等。進至廣西。擊僞將軍吳世琮於新村西山。敗之。十九年。隨征南大將軍賴塔。奪石門坎黃草壩。進抵雲南省城。並有功。授拜他喇布勒哈番。同旗有委署叅領恩格特。委署護軍校錫特庫。並以隨鎮南將軍莽依圖征廣西。隨征南大將軍賴塔平雲南。歷戰有功。各授拖沙喇哈番。

晉才。滿洲鑲白旗人。姓伊爾根覺羅氏。世居寧古塔多喀地方。初以委署叅領從征海寇。與僞將軍劉國軒戰於夏坑。毆奇頭山。又有郭塘盤圍山等處賊兵犯我營壘。並擊敗之。又擊太平寨兵。敗賊六千人。康熙十九年。隨大兵征雲南。奪石門坎黃草壩。至雲南省城。並在行間力戰有功。二十五年。議敘。授拜他喇布勒哈番。同旗

有委署護軍校博和禮。姓瓜爾佳氏。世居蘇完地方。又有委署護軍校索柱。根貝。又有桑格。並以從征福建海寇。平定雲南吳逆。二役有功。各授拖沙喇哈番。

卦納。滿洲鑲白旗人。姓伊爾根覺羅氏。世居河門地方。初任護軍校。康熙十九年。從征南大將軍賴塔。平定雲南。擊偽將軍何繼祖。王弘勳等。於石門坎。三戰三克之。賊復於黃草壩拒戰。率本甲喇兵擊敗之。進至雲南城下。偽將軍胡國柄等出城來犯。同三路大兵擊敗其衆。尋以疾

卒。康熙二十五年。敘功。贈拜他喇布勒哈番。以其子巴納承襲。同旗有察穆布者。姓富察氏。世居扎庫塔博爾屯村。亦以隨征南大將軍賴塔。平定雲南。吳逆有功。授拜他喇布勒哈番。又有委署章京阿珥楚。委署護軍校花色。關住。並以從征雲南。平定逆孽。吳世璠有功。各授拖沙喇哈番。又有名袞泰者。姓納蘭氏。世居葉赫地方。亦以是役効力行間。授拖沙喇哈番。

穆爾禪。滿洲鑲白旗人。康熙十九年。以委署護軍校。隨征雲南。逆孽吳世璠。奪石門坎。敗敵二

次又於對路大山敗賊。進破黃草壩。乘勝抵雲南省城。俱在行間有功。又隨都統希佛於烏木山。敗偽將軍馬寶巴養元兵。二十五年敘功。授拖沙喇哈番。同旗有松吉納者。姓郭爾本氏。世居郭洛果多地方。亦以從征雲南有功。授拖沙喇哈番。

阿蘭柱。滿洲鑲白旗人。姓伊爾庫勒氏。世居諾雷地方。初任西安防禦。康熙十三年。隨征陝西。至綏德州。擊偽遊擊王文英兵於胡爾崖嶺。敗之。三十五年。隨撫遠大將軍伯費揚古。征勦。虜

八旗通志初集卷之二百十

勲臣傳十

鑲紅旗滿洲世職

勞翰

曾孫恒祿

孟格圖

子綽內

艾搏巴圖魯

孫阿賴

剛吉納

弟之子多果

噶爾糾

布色赫巴圖魯

布善

子夸占

胡護納

蘇完拜

布達理

塔爾機善巴圖魯

勒德

覺羅肇班

覺羅希福

松果圖巴圖魯

丹達立

科齊 兄之子殷達渾 戚哈喇

克色格 兄之子舒書

吳爾東阿 子托羅 族弟特密猷 族孫薩

馬克佳 弟華瞻 華瞻之子喇占

倭赫訥 阿爾布尼

阿爾泰 糾多 子鄂多和

白亨特 奇努巴圖魯 子胡什巴

朱瓦尼 張泰

達爾喀 準布祿 賀業 吳世霸

莽古禪 唐色

色勒 碩拜 伊長阿

塞勒 回色 官布

穆圖 費揚武 窩和 額什特

傅臘塔 市泰 費雅漢

哈禮 安泰 阿納庫 馬達喜

雅奇 楊什保 滿丕 舒恕

託拜 伯祖之孫馬納海

孫達立 納爾泰

僧格德 族弟敦拜 族子噶納渾 科布朔 查麟

德齊布 朱蘭泰 克奇 四格

噶祿

見名臣西喇巴傳

布爾堪

見名臣阿爾柱傳

根圖

見名臣雍舜傳

姚禪

見名臣阿爾柱傳

哈爾薩

蘇白

見名臣哈爾古積傳

碩色納

見名臣和託傳

羅思翰

見名臣博爾晉傳

艾穆布

卓爾博

護紐

特爾赫

見名臣特錦傳

康喀喇

見名臣馬秦傳

朱喇禪

見名臣弘尼牙喀傳

薩布當阿

武舒

見名臣吳喇禪傳

苗齊納

見名臣薩蘇喀傳

車楞

見名臣葉臣傳

布爾菴

馬柱

泰什哈

拜音達

見名臣孟庫魯傳

商堅

見名臣庫拜傳

哈爾薩

戴祿

見名臣哈哈納傳

費揚古

噶篤渾

蘇布什

見名臣瓦爾喀傳

懇赤赫

吳孫

孫玳

莽佳

見名臣康喀爾傳

佟佳

和托

蘇敏

見名臣杜敏傳

喀爾岱

見名臣穆爾泰傳

阿爾遜

佛保

見名臣弘世祿傳

和託

見名臣賀布索傳

吳達立

巴智宜喇赤 見名臣牛鈕傳下同

雍極納 馬爾泰 見名臣拜音布傳

南濟蘭 見名臣法喀傳下同 佛克拖

伊勒穆 見忠烈顧吉納傳 朱爾堪 見忠烈塔納喀傳

赫什密 見忠烈桑固理傳下同 祿海

希福納 見忠烈孟庫富岱 見忠烈布蘭珠傳

宜爾特赫 見忠烈尹倭和布傳下同

雅興阿 見忠烈沙爾保泰 見忠烈博陀理傳

石圖 見忠烈沙克習綏哈 見忠烈孫塔傳

達鼐 見忠烈安塔錫保住 見忠烈付拉布傳

勞翰滿洲鑲紅旗人少事

太祖高皇帝每行軍時隨侍不離有敵兵來犯大營勞

翰奪其刀傷四指遂成殘廢然居恒必宿衛左

右終其身効力勤勞順治十一年追贈拜他喇

布勒哈番以其孫額素承襲十二年額素卒子

恒祿襲職康熙三十五年恒祿隨撫遠大將軍

伯費揚古征厄魯特噶爾丹由西路進兵敗賊

有功三十六年議敘於拜他喇布勒哈番加一

拖沙喇哈番仕至副都統

孟格圖滿洲鑲紅旗人以軍功授備禦世職又

屢隨大兵征明有功。加世職爲遊擊。病卒。子綽  
內降。襲備禦世職。天命十一年。隨大兵征明。與  
明寧遠兵戰。歿於陣。

艾搏巴圖魯。滿洲鑲紅旗人。世居倪馬查地方。  
以地爲氏。性驍勇果敢。曾率二十人。襲取十三  
站寨。因授爲備禦世職。

賜名巴圖魯。天聰元年。從冷格里攻朝鮮義州。率四十  
人。首先衝入。遂克其城。敘功。加世職爲三等甲  
喇章京。尋病卒。子艾達漢襲職。崇德元年。從征  
朝鮮。右臂中傷。不能彎弓。以三等甲喇章京看  
守英格關門。順治元年。

定鼎燕京。擢守阜成門章京。七年。九年。三遇

恩詔。加至一等阿達哈哈番。又一拖沙喇哈番。康熙七  
年卒。子阿賴襲職。十三年。隨征逆藩吳三桂。至  
江西吉安府。敗賊二次。十九年。從征南大將軍  
賴塔進征雲南。於黃草壩地方。及雲南城。外擊  
賊有功。二十五年。議敘。加世職爲三等阿思哈  
尼哈番。

剛吉納。滿洲鑲紅旗人。姓西克特立氏。世居瓜  
爾察之雅克善地方。天聰五年。從征明大凌河。

八旗通志 卷一百一十五  
擊監軍道張春前隊兵。執擺牙喇。燾殺入敵陣。又擊張春後隊兵。時八固山兵未進。剛吉納獨執燾。越衆當先殺入。敗之。八年敘功。授牛彖章京世職。卒。以子碩色襲。碩色卒。以剛吉納弟之子拖布琦承襲。遇。

恩詔。加一拖沙喇哈番。拖布琦之兄多果。以順治七年襲弟職。九年遇二次。

恩詔。加至二等阿達哈哈番。十五年。隨官兵征偽桂王。十六年。由貴州凱旋。至江南。值海賊鄭成功陷鎮江瓜州。直犯江寧。多果隨梅勒章京噶褚哈。

屢敗賊衆。獲賊船一隻。十七年敘功。加世職爲一等阿達哈哈番。康熙十七年。從征海寇。至福建。在石塘嶺地方擊賊。歿於陣。二十五年。卹贈加一拖沙喇哈番。

噶爾糾。滿洲鑲紅旗人。姓西克特立氏。世居瓜爾察地方。天聰八年。以辦事有能。不違指使。授牛彖章京世職。崇德二年。同吳巴海。席特庫。往追喀木寧阿部落逃人葉雷。率知踪跡者九人。出邊五十日。至溫朶地方。追及葉雷。及同叛人等。盡斬之。獲婦女幼小八十七口。馬五十六匹。



凡在行間。六踰月方回。

太宗文皇帝命固山額真出迎五里。宴之。敘功。加爲三等甲喇章京。世職。順治七年遇

恩詔。加爲二等阿達哈哈番。

布色赫巴圖魯。滿洲鑲紅旗人。姓奇氏。世居葉赫地方。崇德三年。隨貝勒岳託征明。用雲梯攻深州。繼達雅禮後。以第二人登城。克之。四年敘功。

賜名巴圖魯。授牛錄章京。世職。順治元年。隨睿王多爾袞進山海關。擊敗流賊。五月。隨固山額真葉臣往平山西。至太原府。隨固山額真墨爾根轄。往尋土賊踪跡。有千餘賊來犯。擊敗之。又同阿爾賽擊敗僞侯總兵。三年。加半個前程。七年。九年。三遇

恩詔。加至一等阿達哈哈番。

布善。滿洲鑲紅旗人。原管擺牙喇甲喇事。崇德六年。隨征明圍錦州。領黨擊敗杏山馬兵。又擊明軍門洪承疇兵。敗之。八年。從鄭親王濟爾哈朗征明。取前屯衛。與燾章京阿積格尼堪。及擺牙喇八章京等。圍中前所城。聞城內兵夜遁。同

董阿賴。格爾泰。額奇爾。穆福等。奪門衝入。遂克其城。順治元年。隨睿王多爾袞。進山海關。擊流賊有功。二年。授牛錄章京世職。子夸占。於順治三年襲職。七年。九年。三遇

恩詔。加至二等阿達哈哈番。康熙十三年。逆藩耿精忠反。夸占隨安親王岳樂往征。至江西。有賊將邵連登。在建昌府長興地方拒敵。夸占率本旗兵。隨安親王擊敗之。又隨安親王往征逆藩吳三桂。至袁州。擊僞將軍夏國相李良棟於萍鄉縣東來龍山。敗之。進至湖廣長沙府。賊兵出南門

來犯。夸占隨安親王擊敗其衆。又在沿溪地方。擊敗楊熊二僞總兵。二十五年。敘功。加一拖沙喇哈番。授爲一等阿達哈哈番。仕至都統。

胡護納。滿洲鑲紅旗人。崇德五年。以噶布什賢壯尼大。從睿王多爾袞。征明。圍錦州。隨阿爾布尼。擊敗松山步兵。六年。又從圍錦州。明經畧洪承疇兵。來犯我右翼汛地。胡護納仍隨阿爾布尼。擊敗其衆。順治二年。從德豫親王多鐸。追騰機思。擊土謝圖汗。及碩羅汗兵。俱率本固山噶布什賢兵。進戰有功。所至擒逐哨騎。凡斬殺蒙

古十八人。漢兵三十四人。生擒蒙古四人。漢兵一人。五年敘功。授拖沙喇哈番。七年。九年。三遇恩詔。加至三等阿達哈哈番。

蘇完拜。滿洲鑲紅旗人。姓宜爾根覺羅氏。世居古納河郭羅薩哈爾察地方。崇德六年。以章京隨征明。圍錦州。擊松山馬兵。三敗其衆。順治元年。隨睿王多爾袞進山海關。擊流賊有功。十一月。隨豫親王多鐸破流賊。平定河南。在潼關擊敗流賊第一營。第二營步兵。又自西安府。隨蠡章京阿爾津。敦拜往探賊踪。遇流賊馬兵三百。圍於一村。殲之。二年。隨貝勒博洛征浙江。至平湖縣。有王總兵來犯。同馬篤護。席蘭。敗之。二年。敘功。授半個前程世職。七年。遇

恩詔。加爲拜他喇布勒哈番。同旗有布達禮者。崇德七年。隨征明。用紅衣礮攻塔山城。於攻破之處。首先登城。克之。九年。敘功。授半個前程世職。順治七年。九年。三遇

恩詔。加至三等阿達哈哈番。

塔爾機善。巴圖魯。滿洲鑲紅旗人。姓西克特立氏。世居瓜爾察之洪鄂村。崇德八年。隨貝勒阿

八旗通志 卷一百一十  
巴泰證明。用雲梯攻順德府。繼羅多洪後。以第一二人登城。克之。凱旋敘功。

賜名巴圖魯。授牛糸章京。兼半個前程。世職。順治七年。九年。三遇。

恩詔。加至一等阿達哈哈番。

勒德滿洲鑲紅旗人。姓納蘭氏。世居彝巴丹地方。崇德八年。證明。至山東。用雲梯攻臨清州。繼布勒後。以第三人登城。克之。凱旋敘功。授半個前程。世職。順治七年。九年。三遇。

恩詔。加至三等阿達哈哈番。緣事降為拜他喇布勒哈

番。

覺羅肇班。滿洲鑲紅旗人。

景祖皇帝長兄之二世孫也。崇德八年。隨貝勒阿巴泰。證明。至山東。擊敗明王總兵。及白總兵。進攻朝城縣。領雲梯先登。遂克其城。順治二年。隨定國大將軍豫親王多鐸。征流賊。至潼關。同布彥岱。敗賊馬兵二次。賊兵夜犯我營。復與珍篤禮。擊敗其衆。三年。敘功。授半個前程。世職。七年。九年。三遇。

恩詔。加至二等阿達哈哈番。同旗覺羅有希福者。

景祖皇帝長兄之三世孫也。原管牛录事。順治元年。隨睿王多爾袞進山海關。擊敗流賊兵。復追至慶都縣。擊敗之。二年。敘功。授半個前程。世職。七年。九年。三遇。

恩詔。加至三等阿達哈哈番。

松果圖巴圖魯。滿洲鑲紅旗人。崇德八年。隨貝勒阿巴泰征明。至山東。攻臨清州。於未豎雲梯之先。直趨而上。遂克其城。凱旋敘功。

賜名巴圖魯。授牛录章京。世職。順治元年四月。隨睿王多爾袞進山海關。擊敗流賊。五月。隨固山額真

葉臣征山西。攻太原府。

兵出犯。奮擊敗之。

是冬。從征流賊至陝西延安府。城內賊兵來襲。我輜重。松果圖同赫葉內三擊賊衆。直抵壕邊。敗之。又隨固山額真覺羅巴哈納。前往招撫鳳翔府流寇。遇潼關敗回之流賊。迎擊敗之。二年。至江南。招撫池州府。遇敵哨騎。斬之。獲船七隻。又隨梅勒章京譚拜。率每牛录擺牙喇一名。甲士三名。乘船擊河泊敵兵。盡獲其船。明將左良玉兵敗走。仍隨梅勒章京譚拜追擊。奪獲其船。三年。加半個前程。七年。九年。三遇。

恩詔。加至一等阿達哈哈番。同旗有丹達立者。亦於崇德八年。隨貝勒阿巴泰征明。至山東。用雲梯攻朝城縣。繼巴哈塔後。以第二人登城。克之。凱旋敘功。授半個前程世職。順治七年。九年。三遇恩詔。加至三等阿達哈哈番。

科齊。滿洲鑲紅旗人。姓洪鄂氏。世居洪鄂綽地方。崇德八年。隨貝勒阿巴泰征明。至山東。用雲梯攻費縣。繼屯泰以第二人登城。克之。凱旋敘功。授半個前程世職。順治七年。九年。三遇

恩詔。加至二等阿達哈哈番。其兄子殷達渾。康熙十三

年。從西安將軍瓦爾喀等征逆藩吳三桂。由陝西進四川。在野狐嶺地方。敗賊二次。破陽平關。又隨鎮西將軍席卜臣等。在娘娘廟。張飛廟。槐樹驛。小梅嶺。龍潭驛等處。屢敗賊兵。十五年。從撫遠大將軍圖海。征叛鎮王輔臣。圍秦州。擊四川來援賊兵。敗之。尋病卒於軍。贈拖沙喇哈番。以叔父之子鐘吉納承襲。

戚哈喇。滿洲鑲紅旗人。世居倪沙地方。以地爲氏。崇德八年。隨貝勒阿巴泰征明。至山東。攻魚臺縣城。不用雲梯。首先登城。克之。敘功。授半個

前程世職。順治七年九年三遇。

恩詔。加至三等阿達哈哈番。緣事降爲拖沙喇哈番。

克色格。滿洲鑲紅旗人。世居董鄂地方。以地爲氏。崇德八年。以壯尼大。隨貝勒阿巴泰。大兵征明。用雲梯攻安東衛。首先登城。克之。凱旋敘功。授半個前程世職。病卒。以子哈爾吉襲。遇。

恩詔。加爲拜他喇布勒哈番。順治九年卒。以伯父之子。

舒書襲職。十二年。舒書從征浙江舟山。擊賊有功。同賈靈阿擒獲賊船。十四年。議敘。加一拖沙喇哈番。

吳爾東。阿滿洲鑲紅旗人。姓富察氏。世居費要和屯地方。崇德八年。隨貝勒阿巴泰。征明。至山東。攻日照縣。乘頽垣先登。克其城。敘功。授半個前程世職。順治七年九年三遇。

恩詔。加至三等阿達哈哈番。十四年病卒。子托羅襲職。

康熙十三年。隨簡親王喇布。征逆藩吳三桂。至江西。在吉安府螺子山。擊僞將軍韓大任。歿於陣。二十五年。議卹。加贈二等阿達哈哈番。以子唐果納承襲。有特密猷者。吳爾東阿族弟也。康熙十四年。隨信郡王鄂扎。征察哈爾布爾尼有。

功十八年。從平南將軍賴塔征海寇。至福建。敗賊於郭塘山。太平寨等處。二十年。由廣西進征雲南。逆孽吳世璠。在石門坎。黃草壩。及雲南城。外。屢敗賊兵。二十五年。敘功。授拜他喇布勒哈番。又一拖沙喇哈番。其族孫薩穆哈者。順治十五年。以七品官隨征偽桂王。至貴州。敗賊於涼水井。及魯噶地方。康熙十三年。從征逆藩耿精忠。至浙江。敗賊於金華府。又敗之於五都曹。漳澤村。八里店。荷葉口山等處。又擊賊於秀溪山。朱園村。集道山。縉雲縣等地方。俱有功。二十五年。議敘。授拖沙喇哈番。

馬克佳。滿洲鑲紅旗人。姓瓜爾佳氏。世居安楚拉庫之多爾濟河。初任擺牙喇甲喇章京。順治元年四月。隨睿王多爾袞進山海關。擊敗流賊馬兵。復敗之於慶都縣。五月。隨固山額真葉臣往平山西。攻取太原府。進至汾州府。擊偽總兵田虎。敗之。自平陽府追擊賊兵。敗之於絳州渡口。又隨固山額真杜雷。追田虎至陝西綏德州。敗之。二年。由湖廣至九江富池口。同希爾根。追及賊船。獲船一百七十隻。又擊岸上。駐立馬步



賊敗之。進擊流賊第二營兵，大敗其衆。又隨固山額真巴特瑪往尋賊踪，追及賊兵，敗之。三年，敘功，授半個前程。世職。七年、九年、三遇。

恩詔加至三等阿達哈哈番。孫馬海。康熙二十九年，從征厄魯特噶爾丹。在烏闌布通地方擊賊，中頭等傷，賞銀五十兩。仕至西安副都統，病卒。

賜祭葬如例。馬克佳弟華瞻。順治元年，以牛彖章京隨睿王多爾袞進山海關，擊敗流賊，復追擊至慶都縣，俱有功。二年，議敘，授牛彖章京。世職。任吏部理事官五載，考察，以稱職加半個前程。七年。

九年三遇

恩詔加至一等阿達哈哈番。十二年病卒。子喇占襲職。康熙十四年，從征逆藩耿精忠至浙江，於石塘嶺、滿塘、新屯都等處，隨大兵屢敗賊衆。十七年，隨大兵征海寇至福建，在蜈蚣山擊僞將軍劉國軒兵，歿於陣。二十五年，卹贈加一拖沙喇哈番，以其子喇啓承襲。

倭赫訥，滿洲鑲紅旗人，姓宜爾根覺羅氏。世居虎諾赫郭羅薩哈查地方。初任牛彖章京。順治元年四月，隨睿王多爾袞進山海關，擊流賊有

功十一月。隨豫親王多鐸征流賊至潼關。屢敗賊兵。二年。進征江南。率本甲喇兵。敗敵於丹徒。金壇。二縣。敵步兵自茅山來犯。率本甲喇兵。大敗其衆。三年。敘功。授半個前程。世職。七年。九年。三遇。恩詔。加至三等阿達哈哈番。

阿爾布尼。滿洲鑲紅旗人。原管甲喇章京事。順治元年。

定鼎燕京。以署梅勒章京留爲後隊。二年。授牛策章京。世職。隨豫親王多鐸征流賊。敗之於潼關。賊兵夜犯我營。阿爾布尼遣章京二員。甲士六十人。擊敗其衆。又擊流賊第一營。第二營。俱有功。與纛章京阿爾津。敦拜。自西安府往尋賊踪。遇賊馬兵三百。圍於一村。殲之。三年。敘功。加半個前程。

阿爾泰。滿洲鑲紅旗人。初任擺牙喇甲喇章京。順治元年。隨睿王多爾袞進山海關。擊敗流賊馬兵。復敗之於慶都縣。二年。敘功。授半個前程。世職。七年。九年。三遇。

恩詔。加至三等阿達哈哈番。康熙三年。緣事降爲拜他

喇布勒哈番。又一拖沙喇哈番。

糾多。滿洲鑲紅旗人。姓魯布里氏。世居烏喇地方。初任擺牙喇甲喇章京。順治元年。隨睿王多爾袞進山海關。擊敗流賊。明年。隨豫親王多鐸平定淮安有功。僞新昌王據易州城。糾多同海塔擊敗其衆。三年。從肅親王豪格征四川。敗賊於鷄頭關。又擊敗八大王張獻忠。中礮傷。遂成殘廢。七年。敘功。授拖沙喇哈番。九年。遇二次

恩詔。加至拜他喇布勒哈番。又一拖沙喇哈番。十三年

卒。子鄂多和襲職。十五年。隨梅勒章京噶褚哈

進征貴州。十六年。由貴州凱旋。至江南。值海賊鄭成功陷鎮江瓜州。來犯江寧。鄂多和隨大兵擊賊有功。十七年。加世職爲三等阿達哈哈番。白亭特。滿洲鑲紅旗人。姓富察氏。世居葉赫地方。順治六年。隨征叛鎮姜瓖。圍大同。用紅衣礮攻左衛城。於頽毀處。繼沙納哈後。以第二人登城。克之。敘功。授拖沙喇哈番。九年。遇

恩詔。加爲拜他喇布勒哈番。

奇努巴圖魯。滿洲鑲紅旗人。姓宜爾根覺羅氏。世居阿庫里尼門畢拉地方。順治六年。隨孟喬

芳等率兵往征山西。用雲梯攻芮城縣。奮勇先登。遂克其城。九年敘功。授拜他喇布勒哈番。

賜名巴圖魯。是年遇二次。

恩詔。加至三等阿達哈哈番。康熙十三年。從征逆藩吳三桂。進四川。於朝天關。小梅嶺。龍潭驛等處。擊賊有功。十七年議敘。加世職爲二等阿達哈哈番。子胡什巴。以康熙二十六年襲職。三十五年。隨征厄魯特噶爾丹。由西路進兵。擊敗賊衆。三十六年。加世職爲一等阿達哈哈番。

朱瓦尼滿洲鑲紅旗人。姓瓜爾佳氏。世居建尼地方。祖綏邦額。於

國初率族人來歸。父名回三。天命六年。以分得撥什庫。從征遼陽。歿於陣。順治六年。朱瓦尼隨征大同。叛鎮姜瓖。擊城內出犯賊兵。破之。九年。從征鄂爾多斯。敗賊多爾濟兵。十一年。從征廣東。敗僞安西王李定國於新會縣。敘功。授拖沙喇哈番。子巴席仕。至侍郎。

張泰。滿洲鑲紅旗人。姓瓜爾佳氏。世居吉蘭地方。順治十二年。以副理事官。隨寧海大將軍固山額真宜爾德。往浙江征舟山。擊賊阮思陳。六

御等有功。十四年授拖沙喇哈番。十五年隨安遠靖寇大將軍信郡王多尼往雲南征僞桂王。攻沅江府。張泰越衆率兵攻城克之。手足被創。賞婦女六口。銀六十兩。馬牛各六匹。得頭等功牌一。又敗僞鞏昌王白文選於七星關。得三等功牌一。康熙三年以辦事勤慎加一級。紀錄一次。六年遇

恩詔加一級。陞御史兼叅領。署都統印。十四年遇

恩詔加一級。十六年因逆藩吳三桂反。進馬以助軍用。議敘加一級。十九年以夸蘭大隨副都統穆丹

進征貴州。二十二年擢駐防西安府副都統。由西安府安撫漢中府二次。二十八年引年乞休。奉

旨著原品致仕。二十一年卒。

賜祭葬如典禮。

達爾喀。滿洲鑲紅旗人。姓楊佳氏。世居楊三畢喇赫哲合佛阿拉地方。順治十五年以壯尼大從征貴州。在十萬崎山敗賊二次。十六年由貴州凱旋。至江南。值海賊鄭成功陷鎮江瓜州。復犯江寧。隨梅勒章京噶褚哈屢敗賊兵。敘功。授

拖沙喇哈番。

準布祿滿洲鑲紅旗人。姓瓜爾佳氏。世居蘓完地方。順治十五年。以壯尼太。從征雲南貴州。在涼水井及魯噶地方。屢敗賊衆。十七年。從征山東。擊賊首呂思曲。俞三等。復有功。授拖沙喇哈番。本旗有賀業者。亦以從征雲南軍功。授拖沙喇哈番。又有吳世霸者。順治十七年。征羅察。同丹達立破賊。獲賊二等船。十八年。敘功。授拜他喇布勒哈番。

莽古禪滿洲鑲紅旗人。姓洪鄂氏。世居烏喇地方。康熙十三年。從征逆藩吳三桂。由陝西進四川。在陽平關。朝天關。蟠龍山。娘娘廟。張飛廟。槐樹驛。小梅嶺。龍潭驛等處。俱隨前鋒統領穆占擊賊有功。十七年。議敘。授拜他喇布勒哈番。

唐色滿洲鑲紅旗人。康熙十三年。以委署護軍校。隨征逆藩耿精忠。平定浙江福建。所至有功。二十年。進征雲南。在石門坎。黃草壩。隨征南大將軍賴塔。大敗賊衆。又同三路官兵。敗僞將軍胡國秉等兵於雲南城下。二十五年。敘功。授拖沙喇哈番。累陞至副都統。

色勒滿洲鑲紅旗人。康熙十三年。以護軍校。隨官兵征逆藩吳三桂。至江西。敗賊於西村地方。又隨安親王岳樂。敗賊於萍鄉縣東來龍山。二十年。進征雲南。在雲南城。外擊賊有功。旋病卒。二十五年。敘功。贈拖沙喇哈番。以子色圖承襲。本旗有碩拜者。亦以從征吳逆軍功。授拖沙喇哈番。

伊長阿。滿洲鑲紅旗人。康熙十三年。以委署護軍校。隨征逆藩吳三桂。至江西。屢敗賊兵。進至湖廣攸縣。又敗之於白水石。蔡家店。折李橋。永州府等處。十九年。至廣西。在陶屯地方。隨都統勒貝等。大敗賊衆。二十年。進征雲南。奪石門坎。黃草壩。攻下雲南城。又追賊帥馬寶於烏木山。俱在行間擊賊有功。二十五年。議敘。授拖沙喇哈番。

塞勒。滿洲鑲紅旗人。姓舒書覺羅氏。世居佛阿賴地方。康熙十三年。以護軍校。從征逆藩耿精忠。至浙江。敗賊於草坪關。及水南地方。二十年。從征南大將軍賴塔。進征雲南。在石門坎。黃草壩。屢敗賊兵。乘勝進攻雲南城。又敗賊於雲南。

城外。並在事有功。旋病卒。二十五年議敘。贈拜他喇布勒哈番。以子保住承襲。族人。有回色者。康熙三十五年。以佐領從征厄魯特噶爾丹。隨撫遠大將軍伯費揚古。在西路擊賊有功。三十二年議敘。授拖沙喇哈番。

官布。滿洲鑲紅旗人。姓富察氏。世居輝發地方。康熙十三年。以委署護軍校。隨征逆藩耿精忠。至江西。在建昌府南康縣等處。屢敗賊兵。十七年。進征廣東。隨將軍莽依圖等。敗賊於韶州府城東山。又敗之於樹梓墟。及新村西山。十九年。

至廣西。敗賊於柳州之陶屯地方。二十年。進征雲南。破黃草壩。至雲南城。外。俱在行間擊賊有功。二十五年議敘。授拖沙喇哈番。

穆圖。滿洲鑲紅旗人。康熙十三年。以護軍校。從征逆藩耿精忠。平定浙江福建。有功。旋病卒。二十二年。贈拖沙喇哈番。以子馬山承襲。本旗有費揚武者。亦以是役有功。議敘。授拖沙喇哈番。又有色爾布者。從征福建。擊偽閩安侯兵。跳船被創。授拖沙喇哈番。

薩蘭泰。滿洲鑲紅旗人。姓瓜爾佳氏。世居哈達



八旗通志 卷一百一十  
地方康熙十三年從征逆藩耿精忠與賊戰於建陽縣射殲賊一人又在浙江金華府武義縣擒賊哨卒一人十七年從征海寇在福建泉州府擒賊哨卒一人又於海昌擒賊哨卒一人二十九年從征厄魯特噶爾丹在烏闌布通擊賊被創授拜他喇布勒哈番同旗有窩和者從征浙江福建屢立軍功授拖沙喇哈番又有額什特者從征海寇有功授拖沙喇哈番

傅臘塔滿洲鎮社旗人姓托莫氏世居烏喇地

方東 三十一 地沙喇哈番品級章京隨征

逆藩吳三桂至陝西敗賊於關山關河岸至秦州賊兵來犯屢敗其衆又敗賊於定華嶺擊敗四川平涼來援賊兵二次十四年於秦州北山南山及羅家坡雁關等處擊賊有功尋往斷賊餉道隨振武將軍佛尼勒敗賊衆於牡丹園又敗賊於岐山坡南山及紅山嘴西河縣北崗益門鎮西南山等處三十五年從征厄魯特噶爾丹敗賊於昭莫多地方俱在事有功三十七年議敘授拜他喇布勒哈番同旗有屯泰者亦以從征厄魯特噶爾丹軍功授拖沙喇哈番

費雅漢滿洲鑲紅旗人。康熙十三年。以委署叅領。從征逆藩吳三桂。攻四川。隨前鋒統領穆占。敗僞將軍王屏藩兵。進兵秦州。在山前後大敗賊衆。又敗之於娘娘廟。小梅嶺等處。至保寧府。擊敗水陸拒敵賊兵。又隨大兵敗賊於張飛廟。五十一年。追敘軍功。授拖沙喇哈番。

哈禮。滿洲鑲紅旗人。姓胡爾哈蘇氏。世居哈達地方。康熙十三年。以八品官。從征逆藩耿精忠。至江西。十五年。隨安親王岳樂。敗賊帥邵連登。於建昌府之長興。又於沔津及惶恐灘等處。

敗賊衆。十九年。至廣西。隨都統勒貝等。敗賊於陶屯地方。二十年。進征雲南逆孽吳世璠。在黃草壩及雲南城。外。俱擊賊有功。二十五年。授拜他喇布勒哈番。

安泰。滿洲鑲紅旗人。姓馬佳氏。世居薩瑪唐阿地方。康熙十四年。以護軍校。隨撫遠大將軍信郡王鄂扎。勦察哈爾布爾尼。屢敗賊兵。敘功。授拖沙喇哈番。是役也。本旗有阿納庫馬達喜。阿爾發。三人。並在事有功。得授拖沙喇哈番。

雅奇。滿洲鑲紅旗人。康熙十四年。以護軍校。隨

信郡王鄂扎征察哈爾布爾尼有功。二十年。從征雲南。逆孽吳世璠。敗賊將於黃草壩。進克雲南城。並在事有功。二十五年。議敘。授拜他喇布勒哈番。同旗有楊什保者。亦以從征雲南。石門坎。黃草壩。歸化寺等處軍功。授拖沙喇哈番。又有滿丕者。從征雲南。敗賊於黃草壩。又敗賊於雲南城。外。又敗賊於烏木山。尋病卒。卹贈拖沙喇哈番。以兄之孫吳禮承襲。

舒恕。滿洲鑲紅旗人。康熙十五年。以親軍校。隨撫遠大將軍圖海。征陝西。叛鎮王輔臣。敗賊於平京城北虎山墩。十六年。隨征雲南。將軍穆占。往湖廣。征逆藩吳三桂。十七年。至桂陽州。涼路鋪等處。大敗賊衆。十九年。至廣西。在柳州陶屯地方。隨大軍擊賊。有功。二十年。進征雲南。敗賊於黃草壩。又敗賊於雲南城。外。又敗賊於烏木山。並在行間。二十五年。敘功。授拖沙喇哈番。

託拜。滿洲鑲紅旗人。姓西林覺羅氏。世居洪納河。郭羅薩哈查地方。康熙十七年。以委署護軍校。從寧海將軍喇哈達。征浙。國海寇。在太平山。蜈蚣山。郭塘山等處。屢敗賊。二十一年。從征雲

南逆孽吳世璠。隨征南大將軍賴塔。敗賊於石門坎。黃草壩。及雲南城外。二十五年。敘功。授拖沙喇哈番。其伯祖之孫曰馬納海者。以壯尼太。隨貝勒阿巴泰征明。至山東。攻濟陽縣城。先登克之。賞馬一匹。順治元年。進山海關。擊流賊。歿於陣。

孫達立。滿洲鑲紅旗人。姓阿哈。覺羅氏。世居瓦爾喀地方。康熙十七年。以委署護軍校。從征浙。閩海寇在蒲塘。新屯。蜈蚣山等處。屢敗賊兵。二十年。進征雲南。敗賊於石門坎。黃草壩。又敗之。

於雲南城。外及烏木山。並在事有功。二十五年。議敘。授拖沙喇哈番。

納爾泰。滿洲鑲紅旗人。康熙十七年。以委署護軍校。從征浙。閩海寇。修洛陽橋。隨寧海將軍喇哈達。擊敗賊眾。又敗賊於東危山。太平寨等處。二十年。進征雲南。逆孽吳世璠。在石門坎。黃草壩。及雲南城。外。俱擊賊有功。二十五年。議敘。授拖沙喇哈番。三十五年。復從征厄魯特。噶爾丹。由西路進兵。擊敗賊兵。三十六年。敘功。加世職。為拜他喇布勒哈番。

僧格德滿洲鑲紅旗人。姓胡爾哈蘇氏。世居席北地方。康熙十七年。以驍騎校從征浙閩海賊。敗賊於秀溪山。太平山。泉州府蜈蚣山等處。三十五年。從征厄魯特噶爾丹。在昭莫多地方。擊賊復有功。三十六年。議敘。授拖沙喇哈番。其族弟名敦拜者。康熙三十五年。以護軍叅領隨撫遠大將軍伯費揚古。征厄魯特噶爾丹。由西路進兵。擊賊有功。議敘。授拖沙喇哈番。族子名噶納渾者。康熙二十年。以委署護軍校。隨征雲南逆孽吳世璠。在石門坎。黃草壩等處。擊賊有功。乘勝進攻雲南城。又敗賊於雲南城外。二十五年。敘功。授拖沙喇哈番。

科布朔滿洲鑲紅旗人。康熙二十年。以佐領從征雲南逆孽吳世璠。敗賊將於黃草壩地方。乘勝進攻雲南城。擊敗僞將軍胡國秉等。並在行間有功。二十五年。議敘。授拖沙喇哈番。本旗有驍騎校部委蘇喇章京查麟者。亦以征雲南黃草壩。歸化寺等處軍功。授拖沙喇哈番。

德齊布滿洲鑲紅旗人。康熙三十五年。以夸蘭大。從撫遠大將軍伯費揚古。征厄魯特噶爾丹。

八旗通志 卷一百一  
由西路進兵。擊賊有功。三十六年。授拖沙喇哈番。本旗有護軍叅領朱蘭泰。克奇二人。亦以是役在事有功。得授拖沙喇哈番。又有四格者。康熙五十九年。以護軍校部委章京外委夸蘭大。隨貝勒延信取招安藏有功。授拖沙喇哈番。

八旗通志初集卷之二百十一

勳臣傳十一

正藍旗滿洲世職官上

滿都禮

碩色吳巴世

薩木哈圖巴圖魯

叔父蟒吉圖

寧格禮

尼哈理

諾木圖

兄子阿機達

希雅爾糾

子殷大渾

達理善

龔薩理

齋齋理

潤納

胡住

陳布祿

常隆

葛布拉

西塔木

隨孫

拜音察理

子什特庫

霸蘭 子喇布介

衮泰巴圖魯

覺羅木成峩

巴輅

偏古

曹達色

拜音達禮巴圖魯 子艾音達禮

剛阿達 孫卓爾和何託

賈塔 子方額

卓和諾 子傑式

渾達理 畢赫納 那鈕

朱赫納 子穆杜陳

布岱巴圖魯

蘇爾德

胡紐

傅魯肯巴圖魯 弟齊克訥

蘇勒忒 希佛 溫察

霸林 孫碩色

蘇費 蘇爾都

尼瑪闡 子伊三

班布理 子胡禮

俄爾濟圖 海珠護溫達禮

葉克述 孫圖黑特

隨哈 阿爾達

哈世庫 子準泰

喀凱 阿布善

尼哈禮

布爾塔錫

札納

禪聘

圖必倫 胡圖

滿都禮滿洲正藍旗人。世居葉赫之東城。葉赫未平時。卽先衆來歸。

太祖高皇帝遣往葉赫國。十二次。盡招其親族歸降。論功授備禦世職。天命四年。從征撫順。六年。從征遼東。並敗敵有功。被劄不退。敵兵侵我鑲紅旗臺。奮擊之。斬一百一十三級。以功加授遊擊世職。任甲喇章京。管理都司衙門事。先後

賜滿洲人十戶。漢人一千名。後以出征寧遠。緣事奪世職。仍任甲喇章京。兼牛叅章京。管理都司衙門事。尋以從征董鄂。病歿於軍。



八旗通志 卷二百一  
碩色吳巴世。滿洲正藍旗人。姓納喇氏。世居輝發地方。天命七年。大兵征明。取廣寧時。獲察哈爾汗所使四大臣。令碩色吳巴世奉

勅同四人前往察哈爾國。招降察哈爾汗。察哈爾汗不從。且誘碩色吳巴世降。碩色吳巴世不屈。囚羈三載。與守者通謀。裸體忍饑而歸。

太祖高皇帝嘉悅。諭衆臣曰。碩色吳巴世。自葉赫來未久。遂使察哈爾。並非久食我惠之人。而心志在主。故裸體忍饑。冒死而來。甚屬可憫。其給漢人三戶。男子十九人。馬七匹。牛六頭。善養之。勿加以役。尋又奉

勅招諭巴克貝勒。時有昂阿貝勒者。以兵三百邀諸路。同奉使之。人皆畏敵而返。碩色吳巴世獨挺身前進。大敗賊兵。直至其地。事竟成。

太祖嘉之。以御用黃色袍一件。黃帶三條。馬一匹。賜之。又授備禦世職。以其子觀布承襲。

薩木哈圖。巴圖魯。滿洲正藍旗人。初充阿禮哈超哈。天聰三年。隨

太宗文皇帝征明。十一月。修治雲梯。攻遵化城。薩木哈圖先登。大兵繼上。明守裨兵四面皆潰。遂克其城。

太宗以薩木哈圖先登。酌金卮勞之。因下諭曰。我軍年來皆怯於攻城。况此城較前所攻之城更堅。薩木哈圖奮勇先登。殊屬可嘉。宜優錄之。是月。諭克遵化城功。分別陞賞。授薩木哈圖備禦世職。仍

諭有過俱行赦免。家貧卽周恤之。

賜名巴圖魯。並賜駱駝一隻。蟒緞一疋。緞十九疋。布二百疋。馬十匹。牛十頭。八年卒。子賈概承襲世職。賈概卒。以薩木哈圖叔父蟒吉圖承襲。順治元年。隨睿王多爾袞入山海關。擊流寇有功。又加半個前程。遇七年

恩詔。加授三等阿達哈哈番。

寧格禮。滿洲正藍旗人。世居寧古塔地方。以地爲氏。

國初。偕兄弟來歸。授備禦世職。時有圖勒慎者。遣兵來犯我城。寧格禮聞之。使達諸護率兵擊敗其衆。和思哈立村民逃叛。復遣達諸護追獲之。有鄂爾託和者。叛往烏喇。又有和莫諾者。亦叛逃。寧格禮並追而殺之。以功加世職爲三等甲喇章京。崇德八年。隨梅勒章京鄂羅塞臣往征黑龍江。擒獲十八人。又從征雅克塞城。縱火先

八旗通志 卷一百一十一  
登奮擊敗敵。論功加授二等甲喇章京世職。同旗有尼哈理者。世居寧古塔地方。亦以敗圖勒慎兵。並追殺逃亡等功。授三等甲喇章京世職。諾木圖。滿洲正藍旗人。初任部院章京。天聰八年。以辦事有能。不違指授。授牛錄章京世職。崇德五年。從征明。圍錦州。我師駐閭洪山巔。明總兵吳三桂。率衆來犯。諾木圖同充固巴圖魯。擊敗之。六年。再圍錦州。我師擊明松山騎兵。諾木圖復力戰有功。順治元年。從睿王多爾袞。入山海關。擊流寇。敗之。積前功。加半個前程。三年。率兄子阿機達。承襲世職。七年。九年。三遇

恩詔。加至二等阿達哈哈番。十一年。從寧海大將軍宜爾德。往浙江。征僞魯王。敗僞英毅伯阮思於海上。又敗僞總制陳六御。論功。又加一拖沙喇哈番。

希雅爾糾。滿洲正藍旗人。崇德三年。隨貝勒杜度。征明。至山東。攻棲霞縣。以第二人登城拔之。授半個前程。世職。順治七年。九年。三遇

恩詔。加授三等阿達哈哈番。卒。子殷大渾襲職。康熙十四年。陝西逆鎮王輔臣叛。我兵往討。殷大渾隨

定西大將軍董額。敗僞總兵王繼正於平涼。敗僞將軍吳之茂於函關。至洪山嘴。復敗僞將軍王緒等。尋以勞瘁卒於軍。加世職爲二等阿達哈哈番。

達理善。滿洲正藍旗人。

國初從大兵征羅刹。與敵戰於江中。首先躍入賊將周國珍戰艦。破賊。獲其船。論功授牛錄章京。兼半個前程世職。同旗有龔薩理者。姓民覺羅氏。世居梅芙河地方。以從征軍功。授拜他喇布勒哈番。有齋齋理者。姓李家氏。世居李家村地。

方。有濶納者。姓席他喇氏。世居佛克順地方。有胡住者。姓鈕祜祿氏。世居輝發地方。有胡西納者。姓于庫里氏。世居烏喇地方。有拜岱者。姓民覺羅氏。世居木起地方。有噶布拉者。姓何舍里氏。世居哈達地方。有西塔木者。姓佟佳氏。世居勒福屯地方。又有陳布祿。常隆。二人者。姓民覺羅氏。世居覺爾察地方。俱以從征軍功。授拖沙喇哈番。

隨蓀滿洲正藍旗人。天聰八年。以噶布什賢章京。往探明寧遠壕塹。路遇寧遠騎兵。擊敗之。明

八旗通志 卷二百一十一  
沙河所騎兵五十來犯。擊敗之。追至敵大營。乃還。順治元年。從睿王多爾袞入山海關。擊流寇。隨噶喇昂邦鄂碩。敗流賊偽總兵唐通。又追賊至安肅縣。斬殺甚衆。至慶都縣。復大破之。論功授半個前程。世職。七年。九年。三遇。

恩詔。加至三等阿達哈哈番。

拜音察理。滿洲正藍旗人。天聰八年。從大兵征明。至保安州。繼俄莫克圖登其城。破之。論功授半個前程。世職。以疾卒。子什特庫襲職。順治元年。什特庫從睿王多爾袞入山海關。敗流寇。又隨定國大將軍豫親王多鐸。追敗流寇於延安府。以功加世職爲牛录章京。病卒。什特庫弟石山承襲世職。七年。九年。三遇。

恩詔。加至二等阿達哈哈番。石山復以從征浙江海寇阮思等軍功。加授世職爲一等阿達哈哈番。

霸蘭。滿洲正藍旗人。姓博爾濟錦氏。父綽爾嘉爾。初係吳魯特貝子。率屬來歸。授世職二等叅將。天聰八年卒。霸蘭襲父職。任都察院理事官。崇德三年。隨揚威大將軍貝勒岳託。征明。敗敵兵於臺頭營。渾河。岍等處。順治二年。隨定國大

將軍豫親王多鐸南征。追流寇至潼關。同燾章京阿爾津連敗賊兵三次。又率擺牙喇兵敗流寇第一第二兩營步卒。明年兵由湖廣東下。遇賊首王相公率舟師來犯。同覺羅顧納岱擊敗之。獲船三十一隻。至浙江連敗偽陳總兵於平湖縣。獲船十二隻。又同梅勒章京宜爾都齊擊敗偽王總兵苗總兵余道士軍。四年論功。加授一等甲喇章京世職。明年同靖南將軍陳泰征福建。沿途招降一府三縣。至泉州府連敗賊偽黃總兵陳副將等。進圍南安縣。同車克等率兵六百乘勝奪門而入。遂克其城。以功又加一拖沙喇哈番。七年九年三遇。

恩詔。加世職至二等阿思哈尼哈番。卒。子喇布介襲職。

康熙十三年。喇布介從征逆藩吳三桂。所至有功。十九年。隨征南大將軍賴塔。由廣西進雲南。奪石門坎。黃草壩。直至雲南城下。皆在行間力戰。又隨都統希佛。追賊帥馬寶於烏木山。破之。論功。加世職至一等阿思哈尼哈番。兼一拖沙喇哈番。

衮泰巴圖魯。滿洲正藍旗人。崇德三年。隨貝勒

杜度。征明至山東。用雲梯攻沂水縣。以第一人登城克之。

賜巴圖魯號。授牛錄章京世職。順治元年。隨睿王多爾袞入山海關。擊流寇。敗之。又敗之於慶都縣。論功加半個前程世職。七年九年。三遇恩詔。加至二等阿達哈哈番。世襲罔替。

覺羅木成。我滿洲正藍旗人。初任擺牙喇甲喇章京。順治二年。隨定國大將軍豫親王多鐸。追流賊於潼關。設伏以擊賊兵。連破其營。旋平定河南江南等處。並在事有功。又隨貝勒博洛。進平浙江。敗海寧縣敵兵。進攻湖州府。克其城。論功授拖沙喇哈番。

巴輅。滿洲正藍旗人。初任牛錄章京。隨曹海。薩穆什哈。征薩哈連烏喇。俘獲壯丁四十一人。崇德三年。隨貝勒杜度。征明至山東。督雲梯攻克陵縣。又連敗馮太監郝總兵等。順治元年五月。從固山額真葉臣等。往定山西。同昂邦章京席特庫。敗流寇於絳州。二年。同肅章京哈寧阿。希爾根等。敗賊於江西九江府之富池口。又隨固山額真杜雷。追擊流賊於九江府。獲船四十六

隻。復追擊於湖廣。承天府獲船五十隻。論功授半個前程世職。七年九年三遇。

恩詔加授三等阿達哈哈番。

偏古滿洲正藍旗人。初任牛景章京。崇德三年。隨貝勒杜度。征明至山東。敗明馬總兵於膠州。進攻濱州城。督雲梯克之。以功授半個前程世職。順治元年。隨睿王多爾袞。入山海關。擊流寇。復有功。加授牛景章京世職。二年正月。隨豫親王多鐸。追流寇至潼關。連破賊第一營第二營。步卒平定河南。五月克南京。俱在事有功。旋從貝勒博洛。取浙江。敗僞大學士馬士英。擒僞總兵一員。又同固山額真宜爾都齊等。敗賊於平湖縣。獲船十二隻。乘勝追僞帥王相公。殺之。獲船三十一隻。論功又加一拖沙喇哈番。

曹達色。滿洲正藍旗人。初任擺牙喇甲喇章京。崇德三年。隨貝勒岳託。征明。擊敗明太監高起潛兵。又敗錦州敵兵。六年。從大兵圍錦州。明松山兵來犯。擊敗之。又以步戰。從大兵破明經略洪承疇三營步卒。明年。征明寧遠。同阿爾津。敗明總兵吳三桂。順治元年冬。隨定國大將軍豫



八旗通志 卷二百一十一  
親王多鐸追流寇。二年正月。敗賊於潼關。旋平河南。克南京。俱在事有功。五月。隨貝勒博洛。敗僞大學士馬士英於杭州。又連敗僞王總兵秦總兵等。獲船二十隻。論功授半個前程。世職三年。復隨豫親王多鐸。追騰吉思。敗土謝圖汗兵。又敗碩羅汗兵。又連敗賊張二等兵四次。六年。從征大同。叛鎮姜瓖。賊出城犯鑲藍旗汛地。曹達色同星內。擊敗之。七年。九年。三遇。

恩詔。加至二等阿達哈哈番。旋隨固山額真噶達洪。征鄂爾多斯。復有功。十一年。從征廣東。隨靖南將軍朱瑪喇。敗僞安西王李定國於新會縣及橫州等處。事平。論功。加授世職。至一等阿達哈哈番。

拜音達禮巴圖魯。滿洲正藍旗人。崇德三年。隨貝勒杜度。征明。用雲梯攻山東棲霞縣。以第一人登城克之。

賜巴圖魯號。授牛錄章京。世職。順治三年。隨征福建。進攻延平府。累有戰功。七年。九年。三遇。

恩詔。加至二等阿達哈哈番。尋卒。子艾音達禮襲職。康熙十三年。逆藩吳三桂反。艾音達禮從征。十九

年。隨征南大將軍賴塔。進雲南。敗僞將軍何繼祖。王洪勳等。於石門坎黃草壩等處。又敗僞將軍胡國柄。劉起隆等。於雲南城下。俱在事有功。加世職爲一等阿達哈哈番。

剛阿達。滿洲正藍旗人。姓譚。木查氏。世居烏喇地方。崇德三年。隨貝勒杜度。征明至廣平府。圍臨洺關。以第二人登城拔之。授半個前程。世職。遇順治七年。

恩詔。加授拜他喇布勒哈番。以疾卒。子宋鈕承襲。遇九年二次。

恩詔。加至三等阿達哈哈番。宋鈕卒。子卓爾和承襲。世職。康熙五十七年。卓爾和以驍騎叅領。從征準噶爾。策妄阿喇布坦有功。加授世職爲二等阿達哈哈番。又卓爾和弟何託。剛阿達次孫也。由熙十九年。以七品官。從征南大將軍賴塔。進雲南。征逆孽吳世璠。敗僞將軍何繼祖等。於黃草壩。復隨三路官兵。敗僞將軍胡國柄。劉起隆等。於雲南城下。論功。授世職拖沙喇哈番。

賈塔。滿洲正藍旗人。初任牛錄章京。從大兵征明北京。同毛墨爾根。擊敗敵兵百餘人。又領吉

爾丹燾對陣。敗寧遠敵兵。崇德六年。圍錦州。擊松山馬兵。復領吉爾丹燾。敗之。順治元年。隨睿王多爾袞。入山海關。擊流寇有功。授牛錄章京。世職。是年冬。隨英親王阿濟格。追流寇。賊自緜德州遁。同席特庫。哈寧阿。希爾根。擊敗之。至延安府。城內賊兵來犯。率本固山擺牙喇。擊敗之。二年。追流賊至武昌府。賊遁。復同哈寧阿。往追之。賊馬兵二百圍我兵五人。賈塔從旁殺入。擊敗之。又同席特庫。自西安府往尋賊踪。追及流賊兩隊。擊敗之。又同固山額真杜雷。吳賴。燾章。京德。邇德赫。率舟師往九江府。擊賊。獲船六百隻。又同固山額真巴特瑪。燾章。京車。爾布。擊敗賊王副將馬步兵三千。敗之。又同固山額真庫魯克達爾漢。阿賴。往尋賊踪。遇賊余總兵馬軍。擊敗之。三年。從征騰吉思。同鎮國公汪格。達多爾機昂。邦吳拜。遇敵。斬十一人。又率本固山擺牙喇。擊敗土謝圖汗。及碩羅汗兵。以功加世職。爲三等阿達哈哈番。七年。九年。三遇。

恩詔。加至一等阿達哈哈番。子方額承襲。康熙十四年。

隨信郡王鄂札。征察哈爾布爾尼。破之於大魯。

地方。又敗其山溝伏兵。事平論功。加世職爲三等阿思哈尼哈番。

卓和諾。滿洲正藍旗人。姓太楚魯氏。世居渾楚地方。崇德三年。從貝勒杜度。征明。攻南宮縣。首先登城克之。授半個前程。世職。八年。復從征明。隨貝勒阿巴泰。敗明馬總兵。等於三河縣。順治元年。從睿王多爾袞。入山海關。擊流寇。復有功。加授牛錄章京。世職。七年。九年。三遇。

恩詔。加至一等阿達哈哈番。康熙十七年卒。子傑式承襲。

是年。從征南。大將軍賴塔。往雲南。征逆孽。

世璠。敗僞將軍何繼祖。等於石門坎。又敗之於黃草壩。五月。會同三路官兵。平定雲南。並在事有功。加世職爲一等阿達哈哈番。三十五年。從撫遠大將軍伯費揚古。征厄魯特。噶爾丹。由西路進剿。破賊於昭莫多。論功。又加一拖沙喇哈番。

渾達理。滿洲正藍旗人。崇德三年。隨揚威大將軍貝勒岳託。征明。用雲梯攻霸州。繼胡兒班。後以第三人登城克之。論功。授半個前程。世職。順治七年。九年。三遇。

恩詔。加至三等阿達哈哈番。同旗有畢赫納者。姓吳扎喇氏。世居瓜察河地方。崇德八年。隨奉命大將軍貝勒阿巴泰征山東。用雲梯攻濱州。以第二人登城克之。亦授半個前程世職。順治七年九年。三遇。

恩詔。加至三等阿達哈哈番。又有名邦鈕者。初任牛泉章京。崇德三年。從大兵征明。率本甲喇兵掘坍鵬窩城。又往取紅衣火礮。夜遇敵兵。擊敗之。以功授牛泉章京世職。順治七年九年。三遇。

朱赫納。滿洲正藍旗人。姓伊拉喇氏。世居法爾開地方。崇德三年。以撥什庫隨貝勒杜度。征明至山東。敗敵有功。授半個前程世職。以其子穆杜陳承襲。順治七年九年。三遇。

恩詔。加至三等阿達哈哈番。十一年。從征廣東。破偽安西王李定國於新會縣。在事有功。加世職爲二等阿達哈哈番。

布岱巴圖魯。滿洲正藍旗人。姓柰齊里氏。世居克西克騰地方。初以壯尼大從征山東。以登城功。

賜巴圖魯號。授牛彙章京世職。順治七年九年。三遇恩詔。屢加至二等阿達哈哈番。十一年。從靖南將軍朱瑪喇征廣東。破偽安西王李定國步兵萬餘於新會縣。以功加世職爲一等阿達哈哈番。兼一拖沙喇哈番。

蘇爾德。滿洲正藍旗人。崇德五年。從征明。圍錦州。率本固山噶布什賢兵。擊敗松山杏山馬步軍。六年。再圍錦州。敗明經略洪承疇三營步兵。明年。從征寧遠。並在行間有功。順治元年。隨睿王多爾袞入山海關。擊流寇。二年正月。隨豫親王多鐸。敗流寇於潼關。連破賊第一第二兩營。五月。克南京。進兵至高淳縣。復敗敵有功。授牛彙章京世職。三年。從貝勒博洛平定福建。連敗敵兵於建寧汀州二府。論功。又加一拖沙喇哈番。

胡紐。滿洲正藍旗人。初充噶布什賢。崇德六年。從大兵圍錦州。擊敗明經略洪承疇三營步兵。復同察漢等。夜逐哨騎。斬蒙古六人。漢兵二十八人。生擒蒙古九人。漢兵二人。順治元年。隨睿王多爾袞入山海關。追流寇。復有功。五年。授拖

沙喇哈番世職。七年九年。三遇。

恩詔。加至三等阿達哈哈番。十五年。從征貴州。擊敗僞總兵羅大順。復連敗賊兵。凱旋至江南。又同本地官兵敗海賊鄭成功。論功加授世職爲二等阿達哈哈番。

傅魯肯巴圖魯。滿洲正藍旗人。崇德八年。從貝勒阿巴泰。征明至山東。攻武城縣。以第一人登城拔之。

賜巴圖魯號。授牛錄章京世職。尋病卒。以其弟齊克訥襲職。順治七年九年。三遇。

恩詔。加至一等阿達哈哈番。十一年。從征湖廣。前後敗賊有功。十七年。同副都統賴虎等。征勦山東土寇。連敗賊兵於曹縣濮州等處。斬僞國公一人。獲印二顆。康熙十七年。從征逆藩吳三桂。至湖廣。奮勇擊賊。歿於陣。加贈世職爲一等阿達哈哈番。以其弟庫庫理承襲。

蘇勒忒。滿洲正藍旗人。姓民覺羅氏。世居胡納河地方。初任擺牙喇甲喇章京。崇德五年。從征明。圍錦州。城中兵出戰。率左翼噶布什賢擺牙喇擊敗之。又率本旗噶布什賢擺牙喇敗杏山

松山馬兵。六年復隨大兵圍錦州。破洪承疇三營步軍。八年九月隨鄭親王濟爾哈朗征明寧遠。城中兵出戰。率擺牙喇八十名擊敗之。順治元年隨睿王多爾袞入山海關。破流賊有功。二年正月隨定國大將軍豫親王多鐸敗流賊於潼關。又連破流賊第一營第二營。五月平定南京。同碩對征高淳縣。城中兵二千拒戰。擊敗之。又率本翼兵往鎮平縣。途遇賊兵五百。逼於水次。盡殲之。以功授牛叅章京世職。三年隨大兵平定福建。至建寧府。敵舟師潛遁。同多兌追擊。

斬殺甚衆。獲船一百五十餘隻。進攻延平府。敵據橋逆戰。同拜音達禮擊敗之。城外有兵來犯。又同拜音達禮敗其軍。又敗賊四百於河濱。進擊楊軍門。李軍門。六千餘衆。並敗之。追僞唐王。遂同拜音達禮等擊破汀州府關廂。旣薄城。置木屋上。登其巔。攻之。城陷。擒僞唐王。以功又加一拖沙喇哈番。同旗有希佛者。姓民覺羅氏。世居覺爾察地方。初任壯尼大。崇德六年隨大兵圍錦州。擊敵有功。賞馬一匹。後追擊流賊。破海賊鄭成功。俱在行間有功。授世職拖沙喇哈番。



溫察滿洲正藍旗人。初任牛錄章京。順治元年。從睿王多爾袞入山海關擊流寇。同宗室額德步戰有功。五月。從固山額真葉臣等往定山西。城內步兵出戰。敗之。二年。從貝勒博洛往定浙江。追賊至烏程縣。遇賊舟師一千。先入。獲其船。有偽馮副將馬步兵來拒。同沙克恰巴圖魯擊敗之。授半個前程。世職。七年。九年。三遇。

恩詔。加至三等阿達哈哈番。

霸林滿洲正藍旗人。初任牛錄章京。順治元年。隨睿王多爾袞入山海關擊流寇有功。授半個前程。世職。七年。九年。三遇。

恩詔。加至三等阿達哈哈番。以疾卒。孫碩色襲祖職。

熙十二年冬。逆藩吳三桂反。十三年。陝西提督王輔臣叛降於吳。逆。碩色從撫遠大將軍圖海往勦。敗輔臣子繼正於平涼。又擊敗偽將軍王屏藩等賊兵二萬。賊復收敗兵來犯。碩色力戰歿於陣。尋議卹。加世職爲二等阿達哈哈番。以其子明寶襲職。

蘇費滿洲正藍旗人。初任牛錄章京。崇德三年。從貝勒杜度征明至山東。攻臨淄縣。時用雲梯。

八旗通志 卷三十一  
攻城未克。蘇費出已見。掘坍其城。論功授牛录  
章京世職。順治元年。隨定國大將軍豫親王多  
鐸追流寇。三敗其衆於潼關。二年。同固山額真  
馬喇希等。攻汀南宜興崑山常熟等縣。俱克其  
城。論功又加半個前程。世職。同旗有蘇爾都者。  
姓伊拉喇氏。世居法爾開地方。亦以入山海關。  
敗流寇軍功。授半個前程。世職。

尼瑪闡。滿洲正藍旗人。初任擺牙喇甲喇章京。  
順治元年。從睿王多爾袞。入山海關。擊流寇。有  
功。授牛录章京世職。三年。從肅親王豪格。往征  
四川流寇張獻忠。同蘇拜等。擊敗賊高汝礪兵  
三千於山上。又同燾章京阿爾津。擊敗賊馬步  
兵。正藍旗固山兵爲賊所逼。尼瑪闡往援。賊兵  
自左翼下山來犯。卽同燾章京阿爾津敗之。又  
同班布理。擊敗賊袁韜兵。賊兵來犯我土默特  
壕塹。又同興鼎。步戰。連敗之。事平。論功。授三等  
阿達哈哈番。七年九年。三遇

恩詔。加至一等阿達哈哈番。病卒。子伊三襲職。康熙十

三年。從定南將軍希爾根。征逆藩耿精忠。至江  
西。擊敗僞都督易天錫賊兵七千於撫州府。又

有賊兵五千餘出城來犯。仍擊敗之。僞將軍楊三。僞總兵李懋珠。率衆萬餘拒敵。復擊敗之。十四年。敗賊首邵連登於建昌府長興地方。又敗賊於江津。十五年十月。從安南將軍覺羅舒恕。征逆藩吳三桂。敗賊兵於吉安府萬安縣惶恐灘。十六年十月。隨鎮南將軍莽依圖。敗吳逆僞將軍馬寶等於韶州府。又敗僞總兵姜熊等於樹梓塘。十九年。從都統勒貝等。敗吳逆僞將軍范齊韓。詹仰等於廣西柳州之陶屯地方。二十年正月。從征南大將軍賴塔。敗吳逆僞將軍何繼祖等於石門坎。三月。又敗之於黃草壩。隨三路官兵至雲南。平定逆孽吳世璠。俱在行間有功。加世職至三等阿思哈尼哈番。班布理。滿洲正藍旗人。初任牛录章京。順治元年。隨睿王多爾袞入山海關。擊敗流寇。追至慶都縣。又敗之。以功授牛录章京。世職。七年。九年。三遇。

恩詔。加至二等阿達哈哈番。以老告休。子胡禮承襲。康熙三十五年。胡禮從撫遠大將軍伯費揚古。征厄魯特噶爾丹。由西路進兵。擊敗賊衆。論功加

八旗通志 卷一百一十一  
世職爲一等阿達哈哈番。

俄邇濟圖。滿洲正藍旗人。順治三年奉

命往諭叛逃之蘇尼特騰吉思等。星夜至彼地。傳宣

聖諭。令其來歸。事平。以功授牛錄章京。世職。七年九年。

三遇

恩詔。累加至二等阿達哈哈番。同旗有海珠護者。順治

元年冬。從定國大將軍豫親王多鐸南征。同葉

克舒以步戰。敗流寇於潼關。論功授半個前程

世職。遇七年

恩詔。加授拜他喇布勒哈番。又有溫達禮者。姓何舍里

氏。世居葉赫地方。亦以從征軍功。授世職。拖沙

喇哈番。

葉克述。滿洲正藍旗人。順治元年四月。從睿王

多爾袞入山海關。擊流寇。十一月。從豫親王多

鐸平定江南等處。並有功。授半個前程。世職。七

年九年。三遇

恩詔。加至三等阿達哈哈番。病卒。孫圖黑特承襲世職。

康熙十三年。逆藩吳三桂反。圖黑特隨順承郡

王勒爾錦往討。十七年。遇賊於武岡州。奮擊。歿

於陣。加贈世職爲二等阿達哈哈番。

隨哈滿洲正藍旗人。姓納喇氏。世居扎濟里城地方。初襲兄席漢。半個前程。世職。順治元年。隨睿王多爾袞。入山海關。擊流賊步兵。敗之。又追敗偽毛總兵。十一年。隨世子濟度。往福建。破海賊鄭成功。解漳州府之圍。敗其衆於江東橋。七年九年。三遇。

恩詔。加至三等阿達哈哈番。同旗有阿爾達者。順治二年。從定國大將軍豫親王多鐸。平定河南及南京等處。又隨貝勒博洛。往征浙江。以雲梯取湖州府。繼敦達禮。以第三人登城克之。

賜巴圖魯號。授牛錄章京。世職。七年九年。三遇恩詔。加至二等阿達哈哈番。

哈世庫。滿洲正藍旗人。順治六年。以壯尼大。從征大同。叛鎮姜瓖有功。九年。復從固山額真噶達洪。征鄂爾多斯。擊敗賊兵二次。十一年。從靖南將軍朱瑪喇。征廣東。敗偽安西王李定國。復有功。議敘。授拖沙喇哈番。尋卒。子準泰襲父職。康熙十二年冬。逆藩吳三桂反。十三年。準泰從護軍統領額司泰。往征。至湖廣。夔陵州地方。擊偽將軍劉之復。力戰陣亡。議卹。加贈世職。爲拜

他喇布勒哈番。以其伯父之孫佟寧襲職。

喀凱。滿洲正藍旗人。順治二年。從貝勒博洛平定福建。同胡什布。並轡馳奪建寧府門。克其城。以功授半個前程世職。七年九年。三遇

恩詔。累加至三等阿達哈哈番。同旗有阿布善者。姓扎拉里氏。世居瓦爾喀地方。亦以平定福建軍功。授半個前程世職。

尼哈禮。滿洲正藍旗人。順治十一年。以壯尼大從寧海大將軍宜爾德。征浙江舟山。僞英毅伯阮思來拒。尼哈禮同屠黑申等。擊敗之。又敗

總制陳六御。十七年。從征山東賊首于三思。敗之於鋸齒崖。以功授拖沙喇哈番。

布爾塔錫。滿洲正藍旗人。順治十五年。以壯尼大從征貴州。十六年。由水路凱旋至江南。值海賊鄭成功等。陷鎮江瓜州。進犯江寧。布爾塔錫

隨梅勒章京噶褚哈。協同本地官兵。擊敗之。論功。授拖沙喇哈番。康熙十三年。逆藩吳三桂反。

十七年。從鎮南將軍莽依圖。敗僞將軍馬寶。薛起隆等。五路賊兵於廣東韶州府。僞總兵姜熊等。結營於樹梓墟。復擊破之。又敗僞將軍吳世

琮等於新村十九年。敗僞將軍范齊韓詹仰等賊於柳州之陶屯。二十年正月。隨征南大將軍賴塔進雲南。平逆孽吳世璠。敗僞將軍何繼祖等於石門坎山隘。又敗之於黃草壩。又同三路官兵。敗僞將軍胡國柄等於雲南城下。並在事有功。加授拜他喇布勒哈番。兼一拖沙喇哈番世職。

扎納滿洲正藍旗人。原係阿魯都稜郡王之族。其兄阿格世於

國初來歸。授牛錄章京世職。順治七年。九年。二遇

恩詔

加至二等阿達哈哈番。子達禮襲。達禮卒。扎納始

襲其職。十一年。從寧海大將軍宜爾德征浙江舟山。同梅勒章京顧祿古。敗僞英毅伯阮思戰艦百隻於海面。又同署燾章京尼牙達等。敗僞總制陳六御等。以功加授二等阿達哈哈番世職。

禪聘滿洲正藍旗人。姓瓜爾佳氏。世居烏喇地方。順治十七年。以署護軍校。從定西將軍愛星阿。平定雲南。進兵至緬國阿娃城。獲僞桂王朱由榔。在事有功。康熙十三年。從征逆藩吳三桂。

至江西。敗僞左總兵於袁州。又敗僞總兵彭辛。晶僞副將李含白等。於四都。十五年。僞將軍夏國相李良棟等。據萍鄉縣東來龍山。挖壕立寨。禪聘隨安親王岳樂。擊敗之。又敗僞總兵陳夏。劉心求等。於平江縣。十七年。隨貝子章泰。敗僞將軍吳國貴。於湖廣武岡州雙井舖。二十年。至雲南。隨三路官兵。平定逆孽吳世璠。並在行間。以功授拜他喇布勒哈番世職。

圖必倫。滿洲正藍旗人。姓察克欽氏。世居白爾崑地方。順治十一年。以壯尼大。從寧海大將軍。

宜爾德。征浙江舟山。同署肅章京達喇希。敗僞英毅伯阮思於海上。又敗僞總制陳六御等。康熙四年。從定西將軍圖海等。征湖廣流賊餘黨。敗賊於茅麓山。後之長樂嶺。又敗賊首李來亨之子。平定茅麓山。在事有功。尋病卒。贈拖沙喇哈番。以其子圖禮襲。又同旗有胡圖者。任江寧防守尉。亦以從征軍功。授拖沙喇哈番。



此等器仗之類皆軍中所有之物也

其類不一而足其類不一而足其類不一而足

其類不一而足其類不一而足其類不一而足

其類不一而足其類不一而足其類不一而足

其類不一而足其類不一而足其類不一而足

其類不一而足其類不一而足其類不一而足



